



V.2

呂涇野先生高陵縣志卷之五

人物傳上第八

漢周仁字文其先任城人也景帝徙其家於陽陵故爲高陵人本傳以醫見景帝爲太子時爲舍人積功遷至大中大夫景帝初立拜仁爲郎中令仁爲人陰重不洩常衣敝補衣溺袴故爲不潔清以是得幸入臥內于後宮祕戲仁常在傍終無所言上時問人仁曰上自察之然亦無所毀景帝再自幸其家上所賜甚多然終常讓不敢受也諸侯羣臣賂遺終無所受武帝立爲先帝臣重之仁乃病免以二千石祿歸老子孫咸至大官

張毆字叔高祖功臣安邱侯說少子也毆孝文時以治刑名侍太子然其人長者景帝時尊重常爲九卿至武帝元朔中爲御史大夫毆爲吏未嘗言按人專以誠長者處官官屬以爲長者亦不敢大欺上

具獄事有可卻卻之不可者不得已爲涕泣面而封之其愛人如此

老篤請免天子亦寵以上大夫祿歸老於家家陽陵子孫咸至大官

如淳相傳爲縣人嘗爲散騎侍郎陳郡相有碑頌存

君憤傲榮塗稟性叡哲少好博

學通敏五經精練六籍懷寬猛之才抱緯世之策每覽莊生犧牛之誠思踐四皓巖栖之跡遁志邱園羣儒遵道賢聲遐布響聞天宇靈帝聞之蒲輪辟召若大舜之舉皋陶周文之得尚父授散騎侍郎制漢書音義百有十二冊拜陳郡相較洪禮政民庶澤液妹土之值召公洛陽之遇姬旦化被累稔能言戴德但兵亂將興皇道叵夷解職辭祿匿躬畎畝暨魏納劉禪特徵口任時遇耳順惟辭免承受加光祿大夫送柩還口春秋七十五

魏張既字德容魏書云本縣人年十六爲郡小吏

既少小工書疏爲郡門下小吏自惟

門寒念無以自達乃常畜好刀筆及版後歷右職舉孝廉不行魏王

爲司空辟未至舉茂才除新豐令治爲三輔第一袁尙拒魏王於黎

陽遣所置河東太守郭援并州刺史高幹及匈奴單于取平陽發使

西與關中諸將合從司隸校尉鍾繇遣既說將軍馬騰等既爲言利

害騰乃遣子超將萬餘兵與繇會擊幹援大破之斬援首幹及單于
皆降其後復舉并州反河內張晟眾萬餘人無所屬寇崤澠閒河東
衛固宏農張炎各起兵以應之魏以旣爲議郎參繇軍事使西徵諸
將馬騰等會擊晟等破之斬炎固等首幹奔荊州封旣武始亭侯魏
王將征荊州而騰等分據關中魏王復遣旣喻騰等令釋部曲東還
騰已許之而更猶豫旣恐爲變乃移諸縣促儲侍二千石郊迎騰不
得已許之發東魏王表騰爲衛尉子超爲將軍統其眾後超反旣從
魏王破超於華陰西定關右旣爲京兆尹招懷流民興復縣邑百姓
懷之魏國旣建爲尙書出爲雍州刺史魏王謂旣曰還君本州可謂
衣繡畫行矣從征張魯別從散關入討叛氐收其麥以給軍食魯降
旣說魏王拔漢中民數萬戶以實長安及三輔其後與曹洪破吳蘭
於下辯又與夏侯淵宋建別攻臨洮狄道平之是時魏徙民以充河

北隴西天水南安民相恐動不安既假三郡人爲將吏者休課使治屋宅作水碓民心遂安魏王將拔漢中恐劉備北取武都氏以逼關中以問既既曰可勸使北出就穀以避賊前至者厚其寵賞則先者知利後必慕之魏王從其策乃自到漢中引出諸軍令既之武都徙

氏五萬餘落出居扶風天水界

三輔決錄注曰既爲兒童爲郡功曹游殷察異之引既過家既敬諸殷先

歸飭家具設賓饌及既至殷妻笑曰君其悖乎張德容童昏小兒何異客哉殷曰卿勿怪乃方伯之器也殷遂與既論霸王之略饗訖以子楚託之既謙不受殷固託之既以殷邦之宿望難違其旨乃許之殷先與司隸校尉胡軫有隙軫誣構殺殷殷死月餘軫得疾患自說但言伏罪伏罪游功曹將鬼來於是遂死于時關中稱曰生有知人之明死有貴神之靈子楚字仲允爲蒲坡令魏王定關中時漢興郡缺守魏王以問既既稱楚才兼文武遂以爲漢興太守後轉隴西是時武威顏俊張掖和鸞酒泉黃

華西平麴演等並舉郡反更相攻擊俊遣使送母及子詣魏王爲質

求助魏王問既既告以宜兩存之後鸞果殺俊武威王祕又殺鸞

既曰

俊等外假國威內生傲悖計定勢足後卽反耳今方事定蜀且宜兩存而鬪之猶卞莊子之刺虎坐收其斃也是時不置涼

州自三輔距西域皆屬雍州文帝卽王位初置涼州以安定太守鄒岐爲刺史張掖張進執郡守舉兵拒岐黃華麴演各逐故太守舉兵以應之旣進兵爲護羌校尉蘇則聲勢故則得以有功旣進爵都鄉侯涼州盧水胡伊健妓妾治元多等反帝憂之曰非旣莫能安涼州乃召鄒岐以旣代之有詔詔云昔賈復請擊郾賊光武笑曰執金吾擊郾吾復何憂卿謀畧過人今則其以便宜從事遣護軍夏侯儒將軍費曜等繼其後旣至金城欲渡河諸將皆

曰兵少道險未可深入旣曰道雖險非井陘之隘夷狄烏合無左車之計今武威危急赴之宜速遂渡河賊七千餘騎逆拒於鸛陰口旣揚聲軍從鸛陰乃潛由且次出至武威胡以爲神引還顯美旣已據武威曜乃至儒等猶未達旣勞賜將士欲進軍擊胡諸將又止之旣曰今軍無見糧當因敵爲資若虜見兵合退依深山追之則道險窮餓兵還則出候寇鈔所謂一日縱敵患在數世也遂前軍顯美胡騎

數千因大風欲放火燒營將士皆恐既夜藏精卒三千人爲伏使參

軍成公英督千餘騎挑戰敕便佯返胡果爭奔之因發伏截其後大

破之斬首獲生以萬數帝甚悅有詔獎之

詔云卿踰河履險以勞擊逸以寡勝眾功高南仲勤

踰吉甫此勳非但破胡乃永甯河右使吾長無西顧之念矣

徒封西鄉侯增邑二百并前四百戶

酒泉蘇衡反與羌豪鄰戴及丁令胡萬餘騎攻邊縣既與夏侯儒擊破之衡及鄰戴等皆降遂上疏請與儒治左城築鄯塞置烽候邸閣以備胡西羌恐率眾二萬餘落降其後西平麴光等殺其郡守諸將欲擊之既曰惟光等造反郡人未必悉同若便以軍臨之吏民羌胡必謂國家不別是非反相持著此爲虎傅翼也光等欲以羌胡爲援今先使羌胡鈔擊重其賞募所虜獲者皆以畀之外沮其勢內離其交必不戰而定乃檄告諭諸羌爲光等所誑誤者原之能斬賊帥送首者加封賞於是光部黨斬送光首其餘咸安堵既臨二州十餘年

政惠著聞其所禮辟扶風龐延天水楊阜安定胡遵酒泉龐涪燉煌

張恭周生烈等終皆有名位黃初四年薨有賜詔

詔曰昔荀桓子立勳翟士晉侯賞以

千室之邑馮異致力漢朝光武封其二子故涼州刺史張旣能容民畜眾使羣羌歸土可謂國之良臣不幸薨隕朕甚愍之其賜小子翁歸爵關內侯賜

曰肅長子緝嗣

張緝字敬仲旣之子太和中爲溫令名有治能會諸葛亮出師詔以問中書令孫資資以緝爲有籌略遂詔拜騎都尉遣參征蜀軍軍罷入爲尙書郎以稱職爲明帝所識帝以緝之材能多所堪任試呼相者相之相者云不過二千石帝曰何材如是而位止二千石乎及在東莞領兵徵還緝吝於財而矜於勢一旦以女爲皇后徵去郡還坐里舍數爲國家陳擊吳蜀形勢又嘗對司馬大將軍料諸葛恪雖得勝於邊上見誅不久大將軍問其故緝曰威震其主功蓋一國欲不死可得乎及恪從合肥還吳見殺大將軍聞恪死謂眾人曰諸葛恪

我輩耳近張敬仲謂恪必見殺今果然如此敬仲之智爲勝恪也會
太常卿夏侯玄嘗憾曹爽之誅中書令李豐私心在玄然與緝俱馮
翊人又以緝皇后父也同謀欲以玄輔政而黜大將軍司馬昭事發
收送廷尉賜死

晉張殷魏光祿大夫張緝之孫涼州刺史旣之曾孫也惠帝永興中
仕爲梁州刺史見晉書

後周于謹字思敬其先本洛陽人從魏武帝入關仕周因家京兆遂
爲高陵人唐學士于志甯蓋其曾孫也志甯傳云高陵人又曰臣家
自周魏來世居關中故志謹爲高陵人云謹深沈有識量略窺經史
尤好孫子兵書屏居閭里未有仕進之志或有勸之者謹曰州郡之
職昔人所鄙台鼎之位須待來時太宰元天穆見之曰王佐材也及
破六韓拔陵首亂北境引蠕蠕爲援大行臺僕射元纂率眾討之宿

聞謹名辟爲鎧曹參軍事從軍北伐蠕蠕聞大軍逼遂逃出塞纂令
謹追之前後十七戰盡降其眾後率輕騎出塞覘賊屬鐵勒數千騎
奄至謹以眾寡不敵退必不免乃散其眾騎使匿叢薄之間又遣人
升山指麾若分部軍眾者賊望見雖疑有伏然恃其眾而進軍逼謹
謹以常乘駿馬一紫一騮賊先所識者乃使二人分乘之突陣而出
賊以爲謹也爭逐之謹乃率餘軍擊之其追騎遂奔走因得入塞正
光四年行臺廣陽王元深北伐引謹爲長流參軍特相禮接乃使其
子佛陁拜焉後屢立戰功有大勳業官至太師長子實字賓實以軍
功封萬年縣子次子翼字文若拜員外散騎常侍封安平縣公北史
皆有傳

隋于義字慈恭後周太師謹之子義少矜嚴有操尚篤志好學大統
末以父功賜爵平昌縣伯邑五百戶起家直閣將軍其後改封廣都

縣公周閔帝受禪增邑六百戶累遷安武太守專崇德教有郡民張善安王叔兒爭財相訟義曰太守德薄所致乃取家財分與二人喻而遣去善安等各懷恥愧移貫他州其以德化人皆此類也進封建平郡公明武世厯西兗瓜邵三州刺史數從征伐進位開府宣帝嗣政刑日亂義上疏諫時鄭譯劉昉以恩倖當權謂義不利於己先惡之於帝帝覽表色動謂侍臣曰于義謗訕朝廷也御史大夫顏子儀進曰古先哲王立謗訕之木置敢諫之鼓猶懼不聞過于義之言不可罪也帝乃解及王謙構逆高祖將擊之問將於高熲熲薦義可爲元帥劉昉沮曰梁睿位望素重不可居義之下乃以睿爲元帥以義爲行軍總管謙將達奚悉擁眾據開遠義將左軍擊破之尋拜潼州總管賜奴婢五百口雜綵三千段超拜上柱國時義兄翼爲太尉弟智兄子仲文並上柱國大將軍已上十餘人稱爲貴戚歲餘以疾免

職歸於京師數月卒時年五十贈豫州刺史謚曰剛賻物千段粟米五百石子宣道宣敏並知名

于宣道字元明義之長子性謙密不交非類仕周釋褐左侍上士以父功賜爵城安縣男邑二百戶後轉小承御上士隋文帝爲丞相引爲外兵曹及踐阼遷內史舍人進爵爲子丁父憂水漿不入口者累日獻皇后命中使敦諭歲餘起令視事免喪拜車騎將軍兼右衛長史舍人如故後六歲遷太子左衛副率進位上儀同卒年四十二子志甯早知名出繼叔父宣敏

于宣敏字仲達義之仲子少沈密有才思年十一詣周趙王招王命賦詩詩甚有幽貞之志王大奇之起家右侍上士遷千牛備身高祖

踐阼拜奉車都尉奉使撫慰巴蜀及還上表疏

曰臣聞開磐石之宗漢室於是惟永建維

城之固周祚所以靈長昔秦皇置牧守而罷諸侯魏后曜諂邪而疏骨肉遂使宗社移於他族神器傳於異姓此事之明甚於觀火然山

川設險非親勿居且蜀土沃饒人物殷阜西通邛犍南屬荆巫周德之衰茲土遂成戎首炎政失御此物便爲禍先是以明者防於無形治者制其未亂方可慶隆萬世年逾七百伏惟陛下日角龍顏膺樂推之運參天貳地居揖讓之期億兆宅心百神受職理須樹建藩屏封植子孫繼周漢之宏圖改秦魏之覆軌抑近習之權勢崇公族之本枝但三蜀三齊古稱天險分王戚屬今正其時若使利建合宜封樹得所則巨猾息其非望姦臣杜其邪謀盛業宏基同天地之長久英聲茂實齊日月之照臨臣雖學謝多聞然情深體國 帝省表嘉之謂高頴曰于氏世有人焉竟納其言遣蜀王秀鎮於蜀語在藝文略宣敏常懼盛滿懷靜退著述志賦以見其志未幾卒官時年二十九

唐于志甯字仲謐京兆高陵人宣道之子大業末調冠氏縣長山東盜起棄官歸高祖入關詔授渭北道行軍元帥府記室與殷開山參謀議薛仁果平識褚亮於囚虜中遷天策府中郎文學館學士引亮與同列貞觀三年爲中書侍郎太宗嘗宴近臣問志甯安在有司奏勅召三品志甯品第四帝悟特詔預宴因加散騎常侍太子左庶子

黎陽縣公是時議立七廟羣臣請以涼武昭王爲始祖志甯以涼非

王業所因帝詔功臣世襲刺史志甯奏古今異時慕虛名遺實患非

久安計帝皆從之嘗詔志甯以正道輔太子

詔曰古者太子既生士負之卽置輔弼昔成王

以周召爲師傅日聞正道習以成性今太子幼卿當輔以正道無使邪僻啟其心勉之官賞可不次得也太子承乾數有

過惡志甯上諫苑以諷帝見大說賜黃金十斤絹三百匹俄兼詹事

以母喪免有詔起復本官固請終喪帝遣中書侍郎岑文本彊起之

乃就職時太子以農時造曲室累月不止又好音樂過度志甯力諫

諫曰今東宮乃隋所營當時號爲侈麗豈容復事磨礱彩飾於其閒

丁匠官奴皆犯法亡命鉗鑿槌杵往來出入監門宿衛直長千牛不得苛問瓜牙在外廝役在內其可無憂乎又宮中數聞鼓聲太樂伎

兒輒畱不出往年口敕丁甯殿下可不思之太子不納而左右多任宦官志甯復諫曰奄宦者體非全氣專柔便佞託親近爲威權假出

納爲禍福故伊尹敗宋易牙亂齊趙高亡秦張讓傾漢近高齊任鄧

長駟爲侍中陳德信爲開府內預宴私外干朝政齊卒顛覆今殿下

左左前後皆用寺人輕忽高班陵轢貴仕品命失序經紀不立行路

之人咸

以爲怪太子益不悅東宮僕御舊得番休而太子不聽又私引突厥

與相狎比志甯懷不能言上疏極諫

諫曰竊見僕寺司馭爰及獸醫自春迄夏不得番息或家有慈

親以闕溫清或室有幼弱以虧撫養殆非恕愛之意又突厥達哥支等人狀野心不可以禮教期不可以仁信待狎而近之無益令望有損聖德況引內閣中使常親近太子大怒遣張思政紇于承基往刺人皆震駭而殿下獨安此乎

之二人入其第見志甯憔悴在苦塊中不忍殺乃去語亦在藝文略

太子敗帝知狀謂曰聞公數諫承乾不聽故至此是時宮臣皆廢獨

志甯蒙勞勉晉王爲皇太子復拜左庶子遷侍中加光祿大夫進封

燕國公監修國史永徽二年洛陽人李宏泰誣告太尉長孫無忌反

有詔不待時斬之志甯以爲方春少陽用事不宜行刑且誣謀非本

惡逆請依律待秋分乃決從之衡山公主旣公除將下嫁長孫氏志

甯據禮義不可

禮女十五而笄二十而嫁有故二十三而嫁固知遇喪須終三年春秋魯莊公如齊納幣母喪未再期而

圖婚二家不譏以其失禮明也今議者云公除從吉此漢文創制爲天下百姓耳公主身服斬衰服可以例除情不可以例改心喪成婚非人情於是詔公主待服除乃婚拜尙書左僕射同中書門下三品所忍

頃之兼太子少師四年隕石十八於馮翊高宗問曰此何祥也朕欲
悔往修來以自戒若何志甯對曰春秋隕石於宋五內史過曰是陰
陽之事非吉凶所生雖然陛下無災而戒不害爲福也俄遷太傅嘗
與右僕射張行成中書令高季輔俱賜田志甯奏臣家自周魏來世
居關中貲業不墜今行成季輔姑營產土願以臣有餘賜不足者帝
嘉之分其田以與二人顯慶四年以老乞骸骨詔解僕射更拜太子
太師仍同中書門下三品王皇后之廢長孫無忌褚遂良固爭不見
從志甯不敢言武后以其不右已銜之後因殺無忌坐免官出爲榮
州刺史改華州聽致仕卒年七十八贈幽州都督諡曰定後追復左
光祿大夫太子太師志甯愛賓客樂引後進然多嫌畏不能有所薦
達也凡格式律令禮典皆與論譔賞賜以巨萬初志甯與司空李勣
修定本草并圖合五十四篇帝問復修本草何所異志甯有對

對曰
昔陶

宏景以神農經合雜家別錄註詔之江南偏方不周曉藥石往往純
謬四百餘物今考正之又增後世所用百餘物此以爲異帝曰本草
別錄何爲而二對曰班固惟記黃帝內外經不載本草至齊七錄乃
稱之世謂神農氏嘗藥以拯含氣而黃帝以前文字不傳以識相付
至桐雷乃載篇刪然所載郡縣多在漢時疑張仲景華佗竄記其語
別錄者魏晉以來吳普李當之所記其言華葉形色佐使相須附經
爲說故宏景
合而錄之
帝善之其書遂大行曾孫休烈

于休烈機鑒融敏善文章與會稽賀朝萬齊融延陵包融齊名開元

初第進士又擢制科歷秘書省正字吐蕃金城公主請文籍四種元

宗詔祕書寫賜休烈上疏

疏曰戎翟國之寇經籍國之典也戎之生

不與之以史記多兵謀諸子惟詭術也東平漢之懿戚尙不示征戰
之書今西戎國之寇讎安可貽以經典況吐蕃之性慄悍果決善學
不同若達於書則知戰深於詩則知武夫有師干之試深於禮則知
月令有廢興之兵深於春秋則知用師詭詐之計深於文則知往來
書檄之制此何異假寇兵資盜糧也臣聞魯秉周禮齊不加兵吳獲
乘軍楚屢奔命喪法危邦可取鑒也公主下嫁異國當用彝禮而反
求良書恐非本意如不得已請去春秋夫春秋者有以臣召君取威
定霸之事誠與之國之患也翟固貪婪貴貨易土正可錫以錦綵金
玉無足所求
以資其智
詔中書門下議侍中裴光庭曰吐蕃不識禮經孤背國

恩今求哀檣賴許其降附漸以詩書陶以聲教斯可致也休烈但見情僞變詐於是平生不知忠信節義亦於是乎在帝曰善遂與之累遷起居郎直集賢殿學士比部郎中楊國忠爲宰相斥不附已者出爲中部郡太守肅宗立休烈奔行在擢給事中遷太常少卿知禮儀事兼修國史帝嘗謂曰良史者君舉必書朕有過失顧卿何如對曰禹湯罪已其興也勃然有德之君不忘規過於時經大盜後史籍燔缺休烈奏國史開元實錄起居注及餘書三千八百餘篇藏興慶宮兵興焚燬皆盡請下御史覈史館所由購府縣有得者許上送官一書進官一資一篇絹十匹凡數月止獲一二篇唯韋述以其家藏國史百三十篇上獻中興文物未完休烈獻五代論討著舊章天子嘉之轉工部侍郎仍修史宰相李揆矜已護前羞與同史任爲等列奏徙休烈爲國子祭酒權畱史館修撰以卑下之休烈安然無屑意乾

元初始詔百官元日冬至於光順門賀皇后休烈奏不可

奏曰周禮有命夫朝

人君命婦朝女君自顯慶以來則天皇后甫行此禮而命婦與百官雜處在禮不經

帝罷之代宗嗣位甄別名

品元載稱其清諒拜右散騎常侍兼修國史加禮儀使遷太常卿累進工部尙書封東海郡公雖歷清要不治產性恭儉仁愛無喜愠之容樂賢下善推轂士甚眾年老篤意經籍嗜學不厭妻韋卒天子嘉休烈父子著儒行詔贈韋國夫人葬給鹵簿鼓吹歲中休烈亦卒年八十一帝爲歎息贈尙書左僕射謚曰元遣謁者就第宣慰爲儒者榮二子益肅

于益休烈長子天寶初進士及第當志甯時爲翰林學士其事業不詳

于肅休烈次子亦當志甯時爲翰林學士終給事中其死也贈吏部侍郎事業亦不詳肅子敖

于敖肅之子擢進士爲祕書省校書郎元和初拜監察御史五遷至右司郎中進給事中左拾遺龐嚴爲元禎李紳所厚與蔣防俱薦爲翰林學士李逢吉誣紳罪逐之而出嚴爲信州刺史防汀州刺史敖封還詔書縉紳意申嚴枉及駁奏下乃論貶嚴太輕眾皆嗤譟逢吉乃厚敖三遷至戶部侍郎出爲宣歙觀察使敖修謹爲時所稱及居官無所建明卒贈禮部尙書四子球珪瓊皆清顯瓊知名

于琮字禮用落魄不事事以門資爲吏久不調駙馬都尉鄭顥獨器之宣宗詔選士人尙公主者顥語琮曰子有美才不飾細行爲眾毀所抑能爲之乎琮許諾中書舍人李潘知貢舉顥以琮託之擢第授左拾遺初尙永福公主主未降食帝前以事折七箸帝知其不可妻士大夫更詔尙廣德公主咸通中以水部郎中爲翰林學士遷中書舍人閱五月轉兵部侍郎判戶部八年同中書門下平章事進中書

侍郎兼戶部尚書爲韋保衡所構檢校司空山南東道節度使三貶
韶州刺史保衡敗僖宗以太子少傅召未幾復爲山南節度使入拜
尚書右僕射黃巢陷京師以病臥家巢欲起爲相琮辭疾賊迫脅不
止乃曰吾死在旦夕位宰相義不受污賊遂害之

李嗣業縣人長七尺膂力絕眾開元中從安西都護來曜討十姓蘇
祿先登捕虜累功署昭武校尉後應募安西軍中初用陌刀而嗣業
尤善每戰必爲先鋒所向摧北馬靈譽爲節度出戰必與俱高仙芝
討勃律署嗣業及中郎將田畛爲左右陌刀將時吐蕃兵十萬屯娑
勒城以扼王師仙芝潛軍夜濟信圖河令曰及午破賊不者皆死嗣
業提步士升山頽石四面以擊賊又樹大旗先走險諸將從之虜不
虞軍至因大潰投崖谷死者十八驅至勃律禽賊平之授右威衛將
軍從平石國及突騎加特進虜號爲神通大將初仙芝時以計襲取

石國其子出奔因構諸胡以告大食連兵攻四鎮仙芝率兵二萬深入爲大食所敗嗣業謀曰將軍深履賊境後援旣絕而大食乘勝諸胡銳於鬪我與將軍俱前死尙誰報朝廷者不如守白石嶺以爲計乃卽馳白石路旣隘步騎魚貫而前會拔汗那還輜餉塞道不可騁嗣業懼追及手挺麈擊人馬斃仆者數千百虜駭走仙芝乃得還表嗣業功進右金吾大將軍畱爲疏勒鎮使城一隅阨屢築輒壞嗣業祝之有白龍見因其處薊祠以祭城遂不壞漢耿恭故井久涸禱已泉復出初討勃律也通道蔥嶺有石塞隘以足蹶之抵穹壑識者以爲至誠所感云天寶十二載加驃騎大將軍入朝賜酒玄宗前醉起舞帝寵之賜綵白金皿五十物錢十萬曰爲解醒具及祿山反肅宗詔至卽引道與諸將割臂盟曰所過郡縣秋毫不可犯至鳳翔上謁帝喜曰今日卿至賢於數萬眾乃詔與郭子儀僕固懷恩犄角常爲

先鋒以巨楫笞鬪賊值類崩潰進四鎮伊西北庭行軍兵馬使廣平王收長安嗣業統前軍陣於香積寺北賊酋李歸仁擁精騎薄戰王師注矢逐之走未及營賊大出掩追騎還蹂王師嗣業謂子儀曰今日不蹈萬死取一生則軍無類矣卽袒持長刀大呼出陣前殺數十人陣復整步卒二千以陌刀長柯斧堵進所向無前歸仁匿兵營左覘軍勢王分回紇銳兵擊其伏嗣業出戰背合攻之自日中至晨斬首六萬級填澗壑幾半賊東走遂平長安進收東都嗣業戰多乃與張鎬魯炅來瑱嗣吳王祗李奐畧定諸州兼衛尉卿封虢國公實封戶二百兼懷州刺史北庭行營節度使與子儀等圍相州師耄諸將無功獨嗣業被堅數奮爲諸軍冠中流矢臥帳中方愈忽聞金鼓聲知與賊戰大呼創潰血流數升卒諡曰忠勇贈武威郡王給靈輦獲還葬日使中人臨弔給埽除十戶嗣業忠毅憂國不計居產有宛馬

十正前後賞賜皆上於官以助軍云子佐國襲爵歷丹王府長史卒
推嗣業功贈宋州刺史

金楊天德字君美縣陳楊村人登興定二年進士第釋褐補博州聊
城丞未及赴辟陝西行臺掾官至轉運司度支判官公自讀書入仕
至於晚歲風節矯矯不變其爲隆德令時被圍於德順冒圍請援以
死期於復命及復立縣治撫養瘡痍誅鋤強梗民賴以安慶陽之圍
也復任安北主帥以公忠勤使兼錄事并鎮撫軍民又牒令判府事
晝夜不皇處盡智畢力拒守踰年居民餓死殆盡卒待救至圍解召
公還京師公嘆曰旣不能救民之死又暴其骸而去之吾不忍也擾
攘中竟畱月餘悉收葬之其忠主愛民如此亂後士夫或不能自守
而公於勢利藐然如浮雲晚讀大學解沿及伊洛諸書大嗜愛之語
人曰吾少時精力奪於課試殊不省有此今而後知吾道之傳爲有

在也埋沒篆刻中幾不復見天日目昏不能視書猶使其子講誦而朝夕聽之以自樂及有疾親友往問之談笑歌詠不衰曰吾晚年幸聞道死無恨矣年七十有九卒葬高陵奉政原之先營詳魯齋許衡所撰墓誌銘子恭懿皇慶元年贈中奉大夫刑部尙書宏農郡侯諡莊敏有誥誥曰行敦素尙器韞黃中令隆德則善求民瘼判度支則會當邦經天才由閒氣之鍾風節至晚年而彌厲故人樂賢父兄也惟誨子以詩書豈予若小丈夫然遂息交於軒冕謂善道之傳爲有在焉平生之德不啻多矣云

魏綸縣人金進士家世相傳以爲唐魏徵之後也云譜牒并古琴一張爲綸高祖所收其別籍延安者之子孫犯死罪計取其琴譜以賂延安知府得琴而免之然譜竟亦在於彼也綸之子堯啟任本縣教諭墳在縣西南降駕原

孫展縣南孫村人中解元登進士當金之衰元初勝國時兵戈雪擾父彥十三郎被難而卒展及二弟典史芳金牌屯田千戶吳渡大河

客於晉家籍安邑後芳道經高陵復置田宅令子孫繼而居焉乃遷其祖彥之柩於邑東南萬安坊展生仲祥仲祥生世昌世昌生文顯文顯生二子彥輝由舉人任延安府同知伯亨由舉人任晉府伴讀後授本縣教諭今郭下奉政二里孫氏皆伯亨之後也是時同舉進士者又有路秉鈞李文本季暉申甲劉偉

元楊恭懿字元甫自少力學強記日記數千言雖從親逃亂未嘗廢業年十七西還於書無不讀後得朱熹集註四書嘆曰人倫性命皆萃此書矣父沒水漿不入口者五日居喪盡禮宣撫司行省以掌書記辟不就至元七年與許衡俱被召恭懿不至衡拜中書左丞日於右相安童前稱譽恭懿之賢丞相以聞十年詔遣使召之以疾不起十一年太子下教中書俾如漢惠聘四皓者以聘恭懿丞相遣郎中張元智爲書致命乃至京師旣入見世祖遣國王和童勞其遠來繼

又親詢其鄉里族氏師承子姓無不周悉十二年正月二日帝御香殿以大軍南征使久不至命箠之其言祕侍讀學士徒單公履請設取士科詔與恭懿議之恭懿書明詔有謂士不治經學孔孟之道日爲賦詩空文斯言誠萬世治安之本今欲取士宜敕有司舉有行檢通乎經史試以經義論策夫旣從事實學則士風還淳民俗歸厚國家得才矣奏入帝善之會北征恭懿遂歸田里十年詔西安王相敦遣赴闕入見詔於太史院改厯十一年二月辛巳厯成是日方列跪未讀奏帝命許衡及恭懿起曰卿二老母自勞也授集賢學士兼太史院事十八年辭歸二十年以太子賓客召二十二年以昭文館學士領太史院事召二十九年以議中書省事召皆不行三十一年卒年七十公初家貧無田於郊假室以居鄉鄰或繼其匱皆謝不取惟服勞以爲養至遭父喪魯齋許文正公會葬歸語學者曰小子志之

曠世墜典夫夫特立而獨行之其功可當肇修人紀故有與其極者
直期以宗盟斯道於將來遂易禮春秋思有纂述恥爲章句儒而止
所著有潛齋集是時奉元有蕭顗同恕韓擇及乾州楊奐諸賢皆因
先生而興起公與許魯齋甚厚當時魯齋與公書及與人書多道之
魯齋與元甫論梁寬甫病證書梁寬甫證候右脇肺部也嗽而吐血
舉動喘促者肺胗也發熱脈數不能食者火來刑金肺與脾俱虛也
肺與脾俱虛而火乘之其病爲逆如此者例不可補瀉蓋補金則慮
金與火持而喘咳益增瀉火則慮火不退位而痘癰反盛正宜補中
益氣湯先扶元氣少以治病藥加之聞已用之藥而不獲效意必病
勢苦逆而藥力未到也當與寬甫熟論還遠期秋涼庶就平復蓋肺
病惡春夏火氣至秋冬則退也止宜與益氣湯中隨四時陰陽升降
浮沈溫涼寒熱及見有證增損服之或覺氣壅閒服加減枳朮丸或
有飲閒服局方枳朮湯數月後庶逆氣少回逆氣回則治法可施但
恐今日已至色青色赤及脈弦脈洪則無及矣近世論醫有主河閒
劉氏者有主易州張氏者張氏用藥依準四時陰陽升降而增損之
正內經四氣調神之意醫而不知此妄行也劉氏用藥務在推陳致
新不使少有壅鬱正造化新不停之義醫而不知此無術也然而主
張氏者或未盡張氏之知則瞑眩之劑終莫敢投至失幾後時而不
救者多矣主劉氏者或未悉劉氏之蘊則刼效目前陰損正氣遺禍
於後日者多矣能用二家之長而無二家之弊則治其庶幾乎寬甫

病候初感必深所傷物當時消導不盡停滯奄延變生他證以至於今恐亦宜倣劉氏推陳致新之意少加消導藥於益氣湯中庶有漸緩之期鄙見如此未敢以爲必然惟吾才卿元甫子益共商之論之與呂伯充書書奉伯充秀才不意凶變令尊仗奄棄榮養可勝驚怛舊聞伯充途路中偶與人相從及相別心爲不忍今罹此艱咎何以堪處葬禮遵用遺言倣古制信道力行至於如此楊元甫之亞也敬羨敬羨路遠不及一往慰問悵惘曷可言來問惟以禮自盡區區不俱與趙撫相公書宣撫相公執事比日車從過覃懷不獲一見可勝悵惘時暑甚酷惟起居安裕友兄楊元甫隱士也篤信好學操履不苟實我輩所仰重執事時肯眷顧美事也劉成之舊從姚司豐今將還家謹託附意比良晤惟千萬爲國爲民自愛區區不宣

皇慶元年贈榮祿大夫太子少保

宏農郡公諡文康有誥

誥曰其肩隨許魏公者誰與而目爲秦君子者則公也抱經濟學恥章句儒守四書爲人

德之階梯持一敬爲立身之根柢其辨析則江河之莫禦其操履則山岳而不移信蠶有績而蟹有匡化三輔喪親之自致無鶉生突與群生奧視萬鍾於我有何加所師授者皆成德達財有朋來者必忠告善道非商山之幣不起而宣室之席始前由道德禮樂刑政蘊之胸故厯象日月星辰指諸掌是皆非

子三人長寅最顯有傳次宙蒲

城縣尹次宏洛川縣主簿孫六僖伏羌縣尹仔隱居好學而能修禮

樂不墜公聞曾孫復荊州稅課提舉益鄠堡縣尹遷華州同知詳本

傳

楊寅字敬伯恭懿之子生而穎悟異常讀書一覽成誦比長盡通六

經百氏之學性至孝友兼善治生未嘗以匱乏貽親憂嘗爲蓋屋尹

仁嚴兼盡未洽旬朔積年宿弊剖祛無遺以文康公喪去任哀毀骨

立服闋由韓城尹擢陝西行臺監察御史建言

言曰修德用賢以固太平之基明制審律

以定一王之法農政舉則民生厚屯田墾則兵食足其諸敬天憲祖興學求言公賞罰振綱紀徵隱逸抑僥倖皆裨治切時之語未

幾轉江南行臺監察御史復申前議拜監察御史上陳江淮河壩之

田爲豪強占種者眾宜按視徵租大德丙午出僉陝西漢中道肅政

廉訪司丁內艱起僉山東東西道所至伸枉黜濫風紀振揚至治癸

亥遷西蜀四川道憲使進階朝請大夫泰定乙丑朝廷軫念老成遂

有集賢學士國子祭酒之命其在成均講明誨誘終日忘倦卒年七

十三詳編修趙晉撰神道碑子四人僖偉仇仔僖至伏羌縣尹

魏紹開教諭堯啟之子金進士綸之孫也天性聰敏以通經儒士發
解陝西初任涇陽縣教諭轉商州學正再轉延安府教授陞陝西奉
元路教諭再陞慶陽知府所至皆有政績生六子俱仕宦而永德尤
顯任翰林國史院編修

馬遵先奉政里人任京兆尹

馬謙夫直言舉

馬廷光孝廉舉皆馬煥之先

張鼎其先本汴人遭宋金兵亂因家高陵遂爲高陵人至正初慨文
廟傾圯困身勞慮竭產罄資鳩工聚木復舊基立正殿設諸賢之像
闢中門徑達市衢而自爲之記

雷貴縣毘沙里人兵燹之起父母逃難失去貴不避鋒鏑誓死以求
遂得父於鄧得母於終南女道中張氏姑一子而寡亦失於兵聞其

在邠也備金自往贖養以終其子旣長乃均已子分其業縣令以貴才賢舉監稅官宣撫司辟爲縣丞後升爲主簿兼三原涇陽櫟陽三縣又改朝邑及洛川治縣二十餘年猛不殘義寬不宥姦卒年六十六後以第三子禧貴贈奉訓大夫華州知州飛騎尉高陵男詳潛齋楊文康公撰誌及直學士同恕爲之撰碣禧素有學行時楊文康公方以道倡起關中一時名儒如同寬大蕭惟斗及禧輩皆尊事之故楊子之名與河內許魯齋頡頏其高不仕之節雖魯齋亦陰畏讓之楊子之道大行於時未必非雷禧輩之力也

吳份縣人嘗畜牛牛善識人意每耕任不煩人策人策之輒觸人死子弟欲鬻之份曰是嫁毒也母鬻他日份出子弟鬻之份來客已牽牛去矣份撻其子弟而躬追客以牛性語客且曰份非欲增直也客如允份言願返牛直不然種後日悔客遂還牛取直而去份又善折

高陵縣志卷之五
鬪訟不繁辭而閭閻咸賓人有鬪若訟不之官而解官聞之朝廼旌其閭曰耆德吳份門至今存

呂涇野先生高陵縣志卷之六

人物傳下第九

明興張訥字敏行東吳里人洪武閒鄉舉任翰林檢討威儀閑雅應對敏給而又善辭翰故數爲上所寵任上有謀議輒召訥賜坐咨訪焉其徵文之士戶外常滿履或云訥勝國時人

崔瑾字孟瑜縣郭下里人洪武閒以通經儒士任本縣學教諭勤於教訓足爲士子師表陞應天府治中

馬煥字有章縣奉政里人相傳漢伏波將軍馬援之後也舉人洪武辛亥涇陽令辟爲儒學教諭有績授浙江道監察御史能伸冤理枉人多稱其公平尋陞鄭州知州去任鄭人懷思不忘洪武十三年三月一日卒春秋五十一以子馴貴勅贈承德郎禮部儀制司主事有勅命女二長爲少保墨榮毅公夫人馴字才驗中洪武二十一年鄉

高陽縣志卷之六
試任山西大同府經歷後謫戍尋以薦者遷吏部司務陞行部吏曹主事初馴七歲而孤母夫人親操井臼及長使馴力耕以自給後邑里有欲推馴爲吏者母憂之馴亦不樂爲遂爲邑庠弟子母躬紡績以資其學業馴由是領鄉書至顯仕然馴公恕忠清勤謹和緩自始仕至終皆有政聲有勅命馴有孫名忠者嘗令棠邑善政彰著忠孫曰應陽者慕古求道以卒遺其妻李氏守節則馬氏自京兆公後世有令聞甯非積善之慶乎

墨麟字士楨縣郭下里人中洪武十七年鄉舉任福建道監察御史後改北平道風紀大振擢陞北平按察司副使永樂初年上靖內難南征召麟守北平督運輒石兼管軍餉招復士卒或借兵北翟皆有成效陞刑部右侍郎人不敢干以私家人嘗受人金器之賂懼麟知遂投之井然卒不能欺麟追還諸人復轉兵部右侍郎進階榮祿大

夫少保兼詹事府詹事上寵任甚隆欽免軍役賜以獅蠻帶獅蠻帶
有三其一上自繫其一賜尙書呂震其一則賜麟者也然麟雖受寵
知顯貴超羣家甚淡泊至其歿也夫人無以爲生計有楊布政者買
獅蠻帶去後呂尙書至其家問帶安在夫人以告呂曰此子當祈頭
也楊聞之卽獻其帶於呂呂遂持還釋其罪永樂四年卒於官時上
遣官祭葬於家至二十四年行取其子準而官之洪熙元年贈榮祿
大夫少保諡榮毅有誥命初公少時之在郡學也讀書終南書籍所
積甚多乃請工畫書舍圖士大夫爲之詩春坊大學士廬陵解縉紳
爲之序序曰終南山載於禹貢與惇物鳥鼠二山及積石延亘千數
百里禹導雍州山水往來經此故表識以爲雍州之鎮而漢
唐以來文人之賦詠至唐極盛韓退之作南山詩百有二韻照映古
今蔑以加矣少時每一誦之輒思往造其間而不可得後在京師與
長安諸君子交游問其勝槩則又爲之深慕焉戊寅之冬遠斥道經
終南時大雪十日循禹跡而西至於礧石不意瓌偉傑特之觀乃得
於窮愁羈旅之役亦庶幾傾其夙願而當時故舊詩問無一遇者浩
歌慨嘆而已數年東歸廼於程期倍道兼行但覺終南山色依依然

有迎送之意不啻若夢中之境耳此余所以甚不能忘情於此山也
吾友墨君士楨世家茲山之下早歲爲郡學生洪武甲子舉進士官
柏臺與余有同寅之好今爲夏官少司馬詹事春宮又日與相見閒
復語余昔讀書山中書舍固在藏書幸無恙而此心不能一日忘因
請爲之圖而士大夫爲之詩子其爲我序之夫以此山之勝雖余以
遠方慕尙猶不能忘情也況君之世家於此山耶但自昔年與余語
終南之勝古今俯仰二十春秋多已物故存者各天一方朝夕相見
者惟余與墨君之意多前無毫髮異若常在終南書舍之時也其讀
書之所得者多矣所謂出處惟一致者非歟蓋仕與學理同事異君
每用以相資不偏廢也他日懸車還第以余相訪一覽終南之勝詠
歌太平之盛披圖玩詩各述其所造
詣以相長是又余之所望於君也 子準以蔭任宗人府經歷

蕭鼎字大器縣毘沙里人中洪武二十一年鄉舉任南京兵科給事
中改北京工科給事中居官清介不受饋遺事有當言者輒與同僚
入奏無隱後官至山東平度州知州又陞懷慶府知府致仕卒於家
裴榮縣孝義里人以薦舉茂才仕武剛州知州再轉沂州廉勤方正
惠愛及民政聲著於一時

蘇林縣東吳里人永樂閒同魏景仁當歲饑各輸粟以周貧皆至千

餘石縣奏於朝詔立義坊以旌其賢皆有勅諭

勅曰國家施仁養民爲首爾能出粟穀

千一十五石用助賑濟有司以聞朕用嘉之今遣齋勅諭勞爾以羊酒旌爲義民仍免本戶雜稅差役三年尙允蹈忠厚表勵鄉俗用副褒嘉之意

欽哉故勅

王弁縣東吳里人永樂年間解元任四川江安縣教諭在江安有教人之績陞監察御史

宋先生諱玉字廷珍孝義里人身長七尺方面隆準而蒼顏聲啊塘聞數里自幼好書不廢道路人號宋五經舉正統三年詩經魁任雙流訓導初在學時見友人不端潔者手捶其人人亦不怨同等類見不端潔者曰宋大漢來也其人輒遁避宏治間提學和順王先生移縣入鄉賢祠何提學雍大記人物列傳云性好學手不釋卷五經要義多所自得幼孤且誦且樵以養母在雙流誨生徒若子弟各達其材行以賢能取赴部時王振當權不肯爲賂改瀋府教授瀋王尊敬

如師動止語默必稟而後行比致仕不入城市惟教授鄉閭子弟從遊者甚眾治喪不用浮屠鄉里化之及卒終不依陰陽絕穴而易之鄉人咸稱曰宋懃爲善云涇野子曰枌未逮事外王父嘗聞諸長老云他勿論卽臨死不易絕穴與古易簣者奚異哉

劉平字仲衡縣郭下里人少孤奉母雷氏甚孝友愛兄弟性淡泊以勤儉承家弗墜先業讀書知大義不飲酒寡嗜欲沈靜簡默不輕言笑於祭祀賓客必極豐潔見人過失必曲爲之掩護分爭有不能平者則以正言折之卒至敬服輕財樂施遇人之急必量力以周之有假貸不能償者多置不問尤篤於教子子傑舉進士授戶部浙江司主事平暨配鄭氏膺敕命

呂祁縣公諱鍾字大祿縣郭下里人景泰七年貢始任山東齊東縣丞以母憂去後改山西祁縣丞公美姿容小心勤慎動循禮法不妄

取民財所至遺愛於民蓋自爲諸生縣學咸重其忠信有行涇野子之三叔祖也嘗親見其行事慈祥雅重不凡云

高恕字子推縣郭下里人賦性剛直其事父母善伺顏色以悅之家法甚嚴至教子已雖未嘗爲學然於其子之所讀書必令背誦遇有齟齬輒痛扑焉丰采峻厲每至族中婦女無不趨避者嘗應里長自具飲食分毫不以科派於里中若里中有所忤犯必於通衢杖之其人亦心服不怨或有爭訟者多就質判不至官而退其所操履信有異於鄉人故子選卒至顯名敕命褒贈如其子官鄉人以爲得教子之效無不榮羨之也

劉傑字世英號樂菴縣郭下里人平之子中景泰四年鄉舉明年登孫賢榜進士授戶部浙江司主事貴州草塘之役差給軍餉及草塘平遷郎中三月遷知湖州府湖民尙訟傑乃滌誣冗譎誕之習而示

之以禮民遂靡然向風明年上歲幣官屬語存餘爲出納之圖傑曰
吾安可割民以奉勢乎執事者果大怒退幣七十餘足効不職左遷
同知真定府尋以母憂去復除平陽未幾復陞知永平府屬縣富民
有巡校以盜誣者官府率畏而不敢爭傑得告卽發執之其眾果自
遁然乃因此中傷傑去都御史楊繼宗力辨其誣以爲自傑蒞官興
利除害竭盡心力民愛戴若父母卽所誣當是寸朽之棄卒未得行
傑性孝居喪盡禮又不喜侈泰平生亦不喜飲讀書常至夜分不易
寒暑通春秋易卒以易顯年七十六歲卒子六人長時蘭以易舉宏
治戊午科

張宗字繼祖縣東吳里人篤信端慤言動不苟嘗與樂菴劉知府爲
友以貢授直隸丹徒縣主簿履任廉能民皆敬服其歸也流涕送之
後五十餘年有藍田李御史者嘗令丹徒猶聞民懷之言去任好官

惟張君耳大學士楊先生有贈志

周先生諱尙禮字節之號養浩軒縣治化里人以貢任垣曲縣丞未仕授徒殆百餘人涇野子與焉乃取古孝弟忠信修身睦婣才能政治者日講一條督令躬行其他灑埽應對出入起居俱有法度諸門人不敢違也故一時及門之士多漸漬以成邑中小學之教若先生可謂肇修矣垣曲之政以清謹著聞季子紹舉人知縣

高選字朝用號渭坡縣郭下里人恕之子登宏治癸丑毛澄榜進士授戶部雲南司主事陞本司員外郎奉敕冊封韓府遭疾得告後忤宦官劉瑾致仕復加以勘田事罰米五百身輸宣府會宣府缺督理糧儲官戶部薦選正德己巳陞戶部郎中督理宣府糧儲庚午吏部尙書張采敗言者以選同年左遷河南鈞州同知七月陞知吉州明年改臨清州用南京大理寺暨巡撫都御史薦陞兩淮鹽運司同知

卒於官選善事父母不違意命友於兄弟不私財產剛正慷慨敬賢
樂善莅官處有政聲嘗收通州運儲擊斷權豪兌支月糧未浹兩月
積糧四十餘萬續復收放天津倉糧雖席葦諸物鬻金五百遞之戶
部比起天津軍校哭送旣陞員外監督馬房草場宦官饋謁杜絕靡
門所至鋤強撫弱軍民安堵又善聽訟辯其誣枉流賊圍釣乃設二
十四策晝夜巡城金鼓弗息又援入城外男婦五十俘賊三十獲雋
三顆賊攻八日不克遁去是時郡邑率殘破釣獨堅壁如巨鎮在兩
淮時邑人劉氏趙氏婚姻也時賈揚州一見不再後劉爲人請託峻
拒不從及卒都憲藍公檄運司賻金商賈及臨清人奠哭七日有去
思碑

姚文盛縣慶豐里人以吏員授四川某衛知事守法奉公其廉無比
爨用馬通出乘蹇驢雖遇撫按上官亦不懾懼然而撫按無不敬愛

其守制也有巡按者作孝衣二襲以彰其賢并賜養廉米二石文盛具不受當其志操雖縉紳大夫亦或讓焉有德政碑存

孫先生諱昂字廷舉縣慶豐里人中宏治壬戌康海榜進士授行人司行人先生幼有大志父撫之任有恃其官而侮之者先生正色曰此豈可以誇人哉比長入邑庠言動不苟苦於誦習常至夜分或且達旦隆冬則以羊裘被身足藉麥草不以爲苦又以親老在家暮則自學至家晨則自家至學日常徒步二十餘里定省學業兩不曠廢教人以敦本尙實修德謹行爲首及爲行人猶日常誦書讀法不輟志在行道濟時相所深知也未究而卒年三十九

崔先生諱誠字彥實縣郭下里人以貢士任河南商城縣主簿在官廉慎小心縝密無所苟取於民旣致仕非飲射讀法不與縣大夫接爲鄉大賓者四十年公之繼室貢士尙翁諱溫之第五女與涇野子

母宋淑人爲五姨淫野子少時得數侍公杖履知其詳卒年九十五
李先生諱崇光字宗顯其先臨潼人元末兵亂來籍高陵西吳里先
生少爲邑學生正德庚午以太學生授南京國子監典籍事父母能
色養得其歡心父疾親嘗湯藥侍臥其側晝夜不解帶旣殯猶寢苦
容顏枯槁見者曰古毀傷者殆此夫耶其事母疾猶事父也嘗作營
域環域築堵環堵種樹樹計百章又嘗代諸兄構屋基廣八十畝爲
屋百楹工師僮僕日百人食於其家乃獨談笑指揮比屋落成析居
家人無後言外人無私議旣爲典籍又以其俸資作服器畀諸兄家
國朝典籍書板多泣南監縉紳置籍者印千紙輸白金五分於典籍
乃皆辭弗受以爲吾豈鬻書者哉於是祭酒永嘉王公司業棠邑穆
公咸曰李籍之俸已薄此亦弗取其可得哉以疾卒於官

樊先生諱宗玉字廷璋號渭北縣張喬里賈店人也幼而質實敏給

長益勤儉爲庠生以易鳴關中累試於鄉不第宏治七年以歲貢選爲朔州訓導尋以母憂解任免喪復除河南遂平訓導未幾御史薦其稱職陞河陰教諭初先生在學篤信好學有古人風其喪親也勇修古禮不作佛事成化末年歲凶人相食乃出廩米以賑里閭自爲庠生教人有方受業之徒卽誨以忠信質實不令作浮華態其後教朔遂平及河陰皆若是也

崔先生諱連字宗商縣郭下里人以歲貢生爲崇慶州判至則抑權右解冤誣於是陳副使之弟以侵田刑萬主事之姪以凌人罪他日又辯蕭監生所誣盜穀之人並嫠婦廖氏誣盜馬者及釋羣盜誣富民張益之事民皆稱快邛郫溫諸盜百餘寇城常受都御史委選用策士一朝盡擒之於是州人歌之曰

崔公直如矢清如天
權貴斂手無高言

又歌曰

趙酷刑唐善貪人
心天理崔州判

蓋其平日奉身儉約祿秩外毫髮不取有民餽雙

魚僧餽一茶者亦不受遇公燕亦先返不夜飲每日燭淚流處人淚流也至於革春讌之浮費寬里中之雜歛皆州人所心悅者也然信行其志而權要者陰使頑狡七訟於上官然卒無驗反數獎其廉能茂州倉弊萬端監收數得資被罪去巡撫劉公曰非崔州判不可乃委之然適病風溼嘆曰此天畱我也卽上書求致仕劉公三差官查勘又昇其身親視之辭之益恨劉公嘆曰知足知止無此官也遂檄州給道里費二十五金於是州人涕泣塞道以送且曰自有州官以來未之見也初先生襁褓鄰媼撫其腹曰此兒後必顯貴旣學生矣言論侃侃上下信服有韓參政者按縣當月食韓寐熟失救諸不敢請先生以石擊其門韓驚起賞廩五斗嘆曰後必爲忠臣父病翌下九十餘日先生獨涕泣侍側以簪引污下比歿哭幾喪明與兄和索居十年矣買地十畝兄欲之卽破券畀之五畝當歲貢時劉知縣安

贖金三十有刁民訟劉誣爲賊又賂先生約勿任則答曰吾甯失歲
貢不可失天理也後在太學祭酒司業皆器重之使同典簿收支月
俸且曰利不可誘才足有爲者此秀才也其旣去崇慶也盛暑耘耔
祁寒教授一羊裘二十年其徒孫行人先生來錦輩皆名士

呂渭陽公諱溥縣郭下里人封翰林院修撰歿贈南京禮部右侍郎
何提學雍大記曰公爲人質直無華行孚於鄉黨平日救死者五六
人又多解紛難事故墨劉李等數姓世感德焉其敬神忠君愛民之
意雖飲食閒未嘗忘三事馬理曰公不言而躬行者也以子相官受

封翰林院修撰有敕命

敕曰父有善行爲子者務在顯揚臣有賢勞

邦制之常矧予禁從之英上有賢明之父肆加褒命實倍常倫爾呂
溥乃翰林院修撰相之父性敏質純慮周識遠安恬有守儉樸無華
聞達不求於當世修爲默契乎古人排難解紛播義聲於鄉黨孝親
友弟篤倫理於家庭眷惟令子之登庸實出義方之訓誨雖當貴顯
猶切箴規遐齡浸及乎七旬榮養方隆於三釜康彊無恙諒天道之
足徵寵渥維新宜綸音之渙布茲特封爲儒林郎翰林院修撰遠增

林壑之光安享桑榆之樂敕曰教育多勞母恩不殊於父寵榮均被君心實體乎臣此倫理之當崇實風教所由係典章具在存歿攸同爾宋氏乃翰林院修撰呂相之母出鄉賢之名門爲善人之良配性惟貞靜行特端莊持家於困約之時式勤警戒教子於幼穉之日動切規箴顧翰苑之超登已泉局之久閱養違鼎釜報德之心何窮光賁絲綸追卹之恩宜厚雖緣大慶式按彝章特敕贈爲安人匪徒彰裕後之休抑以爲有德者勸敕曰繼母有教育之德不異劬勞朝廷有褒錫之榮式隆寵數蓋禮則緣義而起感恩必以類而推在古則然於今猶重爾侯氏乃翰林院修撰呂相之繼母稟質端方提身謹飭從夫雖晚治內無違賢聲丕著於六嫔慈愛實均於諸子顧惟冢嗣爲時名流詞垣久積乎勤勞鼎食方隆於祿養宜申眷渥以勵顯揚茲特封爲安人諒國典之常新庶家規之永賴

其誥命

見宅墓

劉勤字警常縣郭下里人臨清知州守臣之父也爲人忠厚溫良貌類儒者雅不與人競短長人以是非質者輒平分之退無怨言親死無葬地時新室卽以釵鐲易之居喪哀毀骨立杖而後起每遇其忌辰必泣而致祭與諸少弟處友愛甚篤同爨至白首閭里有不善於兄弟者必指之以相勵云一日里人會飲衣新衣出遇友人偕行者

衣甚敝卽更以舊衣陪之當年儉嘗步求弟璉於漢中以歸他日獲穀盜因勸爲善人知縣璜署其名於旌善亭曰躬行爲善又能化人於善年六十六卒涇野子志其壙云

劉鎮縣郭下里人性情厚質樸不知巧僞專以力田養親爲事凡商賈貨利之務一無庸心惟粗衣糲食以自甘見人有侈靡者必指以戒子孫曰毋若所爲以壞爾性也族弟銜少孤鎮收之同爨及長爲之婚娶至成立宏治閒知縣璜置善簿以紀邑之善人署鎮爲首曰心純行篤爲善第一正德閒知縣李恂時□□□鄉飲可正賓席鎮固辭不赴反浼之削其名及後再舉始赴之嘉靖閒知縣興仁會諸庠士而議鄉飲須擇有德者時齋長崔漢等對曰惟劉耆老鎮稱耳遂以鎮爲正賓除其夫役年七十六卒孫岸舉嘉靖庚子科禮記魁人常以爲積善之慶涇野子數勸告鄉里人云

周紹字克述縣治化里人養浩先生之仲子也早遵庭訓篤志經史
爲文字多奇古語幼與程汝修及涇野子同窗皆以聖賢之學相期
舉宏治甲子鄉試遊京都相交與者悉名士及累科不第遂受戎縣
令莅政公清夷民敬服於是上官薦其勤能調任江陵時縣有江水
害廼創築長堤民獲安居墾田千頃窮人被利巡撫張公稱其仁明
然不能善事太守爲其誣陷解任而歸素履剛方清謹事繼母以孝
聞樂勸人爲善初縣無春秋禮記雖鄰封求二書無所得也紹乃身
走武功諸處購求獲之於是程吉治春秋牛時用治禮記而縣始有
春秋禮記之學君之緒行可以占知矣

程吉字汝修號東軒縣郭下里人生而愷樸戇直辨毛之年與涇野
子同窗師事周先生吉性遲鈍誦講皆難功倍他人然後同之然堅
確不憚恟心若弗得寢食咸廢旣入邑學與涇野子暮夜伍燈多至

雞啼白晝亦多不越戶閤行輩嘉之日程二得無有兩銅睛耶初治
尙書已徹首尾廼自棄去復爲春秋苦力鑽研閒有齟齬與友辯讎
三年之間精詳貫穿提學按試遂魁邑士邑有春秋之傳實自吉始
士人曰語有之力到功深鐵擔成針程二之謂已吉父嬰疾吉捐業
不事索醫求藥奔走不遑灞渭之間人咸敬慕父娶後妻宜而勤家
吉克祇若慈孝兩至乃他人來不知吉有繼母也事其兄憲敬允愷
悌自少至壯罔或闕牆人家昆弟忿爭必指吉昆弟自咎涇野子曰
吉良友也余孤介狂直妄欲倣古然力不能赴屢自畫焉吉獎勸救
正令勿顛踣及今稍能省解深思吉益吉廼不存若吉者仲尼所謂
直諒者非耶吉雖未有爵位布所學於當時卽其所至可不謂難與
吉同時有周紹桑子達劉時蓀紹舉人爲江陵令已見前子達字兼
善在學時其弟已析居矣旣而弟死子達憐其姪之幼孤也復收與

同爨時教諭李應奎稱其友弟也申移於提學云旣貢瀕選而死時
孫字廷香素公直其從兄嘗矜其富時孫譏之曰兄不見長安北楊
家城乎今已被他人犁耕矣一日予過懷慶會都御史柏齋何公問
城外明月山曾到否公曰未也予曰山近在此而不遊將是予友劉
廷香耶蓋予曾約廷香遊山答曰只是一塊石耳公卽問其名與號
以爲與已同也廷香事其母甚孝飲食衣服皆口手親試而後進諸
弟有不恭者不形諸言恐以傷母心也旣遭喪哀毀骨立人不忍看
日惟田閒一至並不他出古之直道而行者其殆斯人與予少受父
師之訓賴茲羣友夾持旣長從遊之徒又復資益如高廷璽之端慤
周官之明果楊九儀之孝友馬應陽之沈毅弟栖之甘貧慎獨

栖答牛友

書曰辱惠書讀之竦然驚惕惜生遲鈍又乏爲善惟日不足之意將
有行也多爲所困故獲罪於人者不可枚舉有愧於己者不勝其改
今足下奮志慕古是吾友也第恐怠心一生而爲羣議所訕則反速
鄉閭友朋之所恥笑夫爲學規範門路於來書已備矣生雖愚劣願

其體而行之雖暗室屋漏之處必思與顯明之地相合雖貨利交橫之際必思無爲所引以喪其初志行之不已雖舜孟之徒亦可班矣如何如何幸甚教之庶此生之不虛也不具丙寅十月日栖再拜

康衢李大紀之從善李穀之確實

孔氏裔之慕古今皆亡之矣因慕吉傳並憶諸良涕泗交頤

節婦唐李氏本縣人楊三安妻舅姑及夫相繼卒子孤寡李氏晝田夜紡三年閒葬七喪太宗賜帛三百免徭役

于琮妻廣德公主李氏宣宗女懿宗妹也咸通十三年琮貶韶州刺史公主與之韶州行則肩輿門相對坐則執琮之帶琮由是免時諸公主多驕縱惟廣德動遵法度事于氏宗親皆如禮內外稱之及廣明元年黃巢入長安殺琮廣德曰我唐室之女誓與于僕射俱死賊并殺之

明張氏臨潼相橋里張錦女適縣孝義里王九成年二十而九成死乃撫育三子奉舅姑舅姑欲奪其志張屢剪髮自殘示不嫁有司上

其事永樂五年旌表

張氏縣郭下里人吳仁之妻年二十而仁亡遺腹越月生子守志撫育然舅姑哀其年少欲挫其節張氏截髮自示以誓不嫁惟紡績爲生宋教授公有題其畧云舅姑欲奪志誓將青絲截紡績以爲生恨不同夫穴永樂五年有司奏其事旌表

白氏縣東吳里人鄭鼎妻知縣侃之母也白氏生侃時未三十而夫死勤儉持家誓不改志侃少長誨之讀書或惰慢荒業笞跪中庭無少姑息有丈夫風侃果中式官至知縣豎白貞節門

邢氏縣張喬里人張得祿妻國子生霄之母也嘗紡績以養舅姑而已與夫糟糠不給又蹴夫行貨以資養夫死河州邢哭幾死舅姑欲奪其志邢曰婦事二夫禽獸行也使其無子尙不忍爲況霄漢在邪他日從叔之妻龐氏鄰人王銳之妻宋氏皆以新寡遇年難不安其

室謀諸邢以圖存邢曉之切至龐宋感其言皆完節故邢至今生幾
八十里人狀諸縣未奏旌耳於是光祿卿三原馬公爲作傳且讚曰
男有百行女惟一貞詩稱女士其殆邢乎

論曰婦人未識字講學至其節守雖遭饑餓患難老病而不改孟軻
所謂性善者乎縣節婦如上所錄者皆已旌其門閭載諸史傳矣至
張得祿妻邢氏者年幾八十尙未奏旌然賴有馬公傳焉彼墨昌妻
吳氏少寡撫一子至八十二而卒王洪妻周氏無子撫諸女或閒日
一得食至七十而卒吳恂妻馬氏幼寡守節撫一子至六十餘而卒
蕭悼子妻王氏年二十生子韶甫三歲而悼子歿乃撫韶成立年幾
六十而歿邑學生崔漢妻楚氏漢死守節不嫁至被嫂逼迫具狀縣
尹給帖執守以卒斯數婦者豈非所謂性善者乎然具未旌故縣之
婦人雖貴如女后張楊二氏未能爲詳獨此死節者哀其志立論云

高陵縣志卷之六終

科貢閒傳第十一 例貢恩蔭附

科金楊天德

見人

魏綸

進士見

孫辰

解元登進士見人物

元魏紹開

見人

魏思明

紹開孫任江西道御史

魏希曾

紹開曾孫

魏希智

紹開曾孫任郾縣知縣

明興洪武閒八人

馬煥

見人

馬貫

御史

郇端

給事中

墨麟

見人

張訥

見人

蕭鼎

見人

吳範

未詳

馬馴

見人

永樂閒九人

馬瑀

字孟玉郭下

里人九年鄉

試讜直有口而膽畧過人應試時憲司搜檢瑀拍其腹曰文章在此

腹內奚用搜檢憲司問其名則對曰馬瑀也是科果中式他日櫟陽

呂尙書有事於墨少保家墨氏速瑀以應賓呂公頗有失言瑀卽應

之曰將相豈有種乎呂公遂抱其首曰甚勿言使震得罪於鄉黨朋

友於是瑀

王弁

見人

王佐

字廷甫郭下里人十二年

王端

字表正孝

聲名大起

王端

義里人癸

己杜蒂

孝義里人

馬達

字九達慶豐里人戊

銀綬

字文佩郭下

全雲

里人戊戌科

字均澤郭下

宣德閒一人

劉志

字文學東吳

里人甲辰科

正統閒一人

宋玉

見人

景泰閒六人

張政

字子宣渭陽

劉傑

甲戌進上

墨春

字景芳準之子

癸酉科任隰州

知州見宅墓郝銳字敏道西吳里人任劉鍾字天錫郭下成化間一人郝

滋字時益西吳里人初任中牟宏治間七人高選科戊申孫昂科戊午劉

時蘭字廷馥傑之子戊午科胡重德里人戊午科呂枏在翰林時受

勅命轉任南京尙寶司並禮部時受誥命正德戊辰進士第一名授

翰林院修撰官至南京禮部右侍郎致仕敕曰文章之任咨口特

重乎翰林國史之官筆削首稱乎修撰故必極衣冠之選抑將爲臺

閣之儲既越常流宜承殊典爾翰林院修撰呂枏學識深醇器資端

粹狀元及第素非溫飽之圖禁從登庸遂列清華之職考校號得人

之盛編摩稱秉筆之公顧守正不污於權奸而引疾甘求於靖退身

安田里名動搢紳比公道之昭明肆英賢之起用茲特進爾階儒林

郎於戲陳仁義格君心亦既徵於勸講罄謀猷裨治道尙有待於登

崇益懋乃庸用光朕命欽哉敕曰婦人之行不出閭閻之間綸命

之褒特顯朝廷之上雖因夫而後貴亦有家而甚賢風化是關恩章

可後翰林院修撰呂枏妻李氏系出宦門嬪於儒彥性惟貞靜行特

端莊禮義從夫有儆戒相成之益勤儉率下無貴驕自恃之心婦道

既修褒章宜錫渙揚綸綍式耀祿禕茲特封爲安人用昭主閭之賢

益衍宜家之慶誥曰朕惟典璽之官職親地密視他司爲益重必

得其人乃克稱焉爾南京尙寶司卿呂枏學有本源文魁天下講筵

史局勞效有年頃者出補外僚歷遷今職乃能首公砥節廉慎弗渝

一時之人望攸歸朕甚嘉焉茲特進爾階奉政大夫爾其益勵乃行

修乃業延登有待副我訓詞欽哉 詔曰朝廷推恩羣臣必及其配
重風化崇激勸也爾南京尚寶司卿呂相妻封安人李氏毓秀德門
作嬪名士克修婦道相乃有家夫既進階爾宜並貴茲特加封為宜
人茂膺寵光益敦儆戒 制曰春卿之建實首四時倫魁之選特先
多士休哉此選兼預此官既際遇之獨隆宜德業以相副咨爾南京
禮部右侍郎呂相學識老成文章典雅覽觀載籍常懷復古之思出
入險夷愈勵直躬之操緣沈晦既久人方望其有為顧幾會如斯志
可知其必遂昔魁大對乃見先皇帝之明今擢禮曹實出予一人之
意茲遇國家慶典推恩特進爾階通議大夫錫之詔命爾尚益礪乃
節益宏乃猷允諧邦禮之司用作留都之鎮 制曰婦人無遂事言
從夫也從夫而貴則名號等威亦當視其夫矣爾封宜人李氏乃南
京禮部右侍郎呂相之妻出自右族嬪於德門勤儉靖恭克執婦道
侍郎薦歷華要茂著聲稱爾亦有助焉茲特 周紹 見人 劉守臣為知
加封為淑人從夫貴也顯號聿新內治惟謹 物 劉守臣為知
縣時有敕命 州 字克艱郭下里人甲子科初任任邱縣知縣陞臨清知
榮賢才是勸徵諸往勦賜以嘉旌爾直隸任邱縣知縣劉守臣登名
鄉薦擢宰畿邦牧民存愷悌之心處已勵清廉之節賢聲既積最考
是書宜有寵名用示褒勸茲特進爾階文林郎錫之勅命爾其勿怠
初心益勤庶事如有懋績朕不爾遺焉欽哉 敕曰朝廷既覃恩於
臣下必首逮於室家肆被褒嘉豈殊存歿爾直隸任邱縣知縣劉守
臣妻紀氏聿修婦道允宜厥家雖相夫之志未終而元配之名尚在
可無錫命以示追榮茲特贈為孺人幽局弗昧渥寵斯歆 勅曰婦
職重於厥祀位不可虛君寵厚於推恩禮無容廢爾直隸任邱縣知

縣劉守臣繼室墨氏夙遵姆訓繼配儒流雖未躬井臼之勞亦克副蘋蘩之託爰因夫貴用示恤恩茲特贈為孺人諒其未泯之靈歆此

至優正德間一人鄭佩字本直東吳里人庚午科初任絳州學訓導

時絳郡諸賢無不作詩歌詠其美陞河南胙城知縣蓋侃平日勸學

好善夙夜不惰早喪父事其母曰氏承顏順志不敢違訓偕其妻供

養甘旨備極孝敬他日侃有小過自撻撻之罰跪中庭盡日不敢起

也時侃年已將三十矣白待之嚴如此及侃既舉憂母之貞節坊未

立也訪問營謀夙夜不遑眠食嘉靖間五人呂田字幼耕涇野子

者二三十年至建立而後已

書林為南京刑部主事時有救命字子約己丑進士初任輝縣知縣

郎中再任汝甯知府敕曰朕惟父母正則子孫孝慈古有斯言矧

茲臣工孝以事君非其義方有素何以致是爾馬憲乃南京刑部雲

南清吏司主事書林之父孝友勤儉本其成性忠信愿慤足以廉頑

惟茲直道之民安於家食之吉爰因令子以是褒嘉茲特封為承德

郎南京刑部雲南清吏司主事祇服恩光益縣壽祉敕曰朕聞賢

母之教其子入則致孝於親出則盡忠於國以無貽父母憂茲惟母

則朕甚慕焉爾齊氏乃南京刑部雲南清吏司主事書林之母族為

上望德為女師勤儉恭順克濟夫剛慈惠莊嚴能成子美錫之命服

維以象賢茲特封為安人其祇新恩以食舊德敕曰朕聞古先哲

王同民心而出治道有刑以防其姦然惟助治而已嚴不深文寬不

長惡兼是二者疇將若予爾南京刑部雲南清吏司主事馬書林蔚

以進上往牧下邑朕用省於有司之職守已愛民惟爾允恭參執邦

典正刑明郡威愛克孚用副簡求允謂宜稱茲特授爾階承德郎錫之敕命書不云乎明德慎罰明猶慎之可勿勉歟

無爵從夫之爵古有是言今國家寵綏羣臣旁及閨闈豈非不失其相稱之義哉爾南京刑部雲南清吏司主事書林妻王氏少以茂資

輔之姆教言容功德徽柔懿恭嬪於令人宜其家室可無喪命以厲相成茲特封為安人其尙欽承斯為異數

吳里人劉遷字于喬郭下里人丁酉科會試劉岸字汝登郭下里人戊子科

貢洪武間二人馬福初年貢任李濟字巨川西吳里人二十八年貢知縣清勤愛民增益戶口縣

有遺愛碑至鄉人稱頌之永樂間七人文彬字尙質東吳里人初劉玉貢年未詳任馬瑄貢十年魏至字本道郭下里

布政司張釗字克己貢牛溫字仲和郭下里宣德間六人尙溫字志都事張儀字九成渭陽里人貢年未詳

喬里人貢張儀字九成渭陽里人貢年未詳崔翥字彥翔郭下里周最字公勉治化里人貢

詳任武鄉正統間九人李芳字子實郭下里人四郝達字文通西吳縣教諭

任青城劉繼清上石里人惠能字英才郭下里人十年張翱字九皋縣丞

貢南京鴻臚寺鳴讚

貢

人十一年例貢

杜賡

李璟 字元玉西吳里人十年例貢兩任縣

丞郭鄩

字守正上石里人十二年貢

劉剛

字克柔東吳里人十年貢任茂州吏目

景泰間五人宋翔

字九皋渭陽里人元年貢任萬全縣丞

馬忠

見人

白質

字文素孝義里人三年貢

李恭

字子厚縣西樊家莊人也

景泰四年貢任山東昌樂知縣在任八月愛民守法一毫不私夜夢城隍神與語欲授以位覺即患病七日而卒時家口眾多貧不能歸卒之明日青州知府夢一知縣告貧乏乞送家眾回籍叩之乃曰吾昌樂知縣李恭也不數日縣申缺官文書至府即行文於縣令各里

設祭賻送獲抵家

呂鍾

見人

天順間十人紀紳

字書遺永甯里人二年貢

梁珪

字宗器永甯里人四

年貢任益都縣丞

劉忠

字推己郭下里人七年例貢任太平府檢校

李貫

字克用郭下里人七年例貢任膠州倉大使

崔成

見人

吳璿

字廷器郭下里人七年例貢任榆次縣主簿

周吉

字彥慶慶豐里人八年貢任廣昌訓導

化閒十八人王理

字循性郭下里人二年貢訓導有績陞鄉甯教諭

蕭偉

字士壽毘沙里人四年貢洪洞

訓導有績陞長葛教諭

來雍

字世熙東吳里人六年貢任孟津縣訓導

劉節

字時用上石里人八年貢見宅墓

王倫

字秉彝孝義里人十年貢任襄陵縣丞

王璽

字廷用慶豐里人十年貢任羅江知縣

周尙

禮見人

趙諒

字

信奉正里人十年貢見宅墓

趙恕

字宗貫奉正里人十年貢任西充知縣

劉儒

字世稱郭下里人二十年貢任臨邑縣丞

趙璿字宗舜奉正里人 吳道洪字文傳郭下里人 路坦字平之東吳里人二十一年例貢

年例 趙秉彝字守常慶豐里人二 來紘字廷器東吳里人二十一年例貢 張維字紹宗安

貢 信里人二十一年例貢 李崇光見人 陳文字向美郭下里人二十一年例貢 宏治間九人郎蘭

字德馨渭 崔璉見人 賈梁字從善渭陽里人任雲 樊宗玉見人 楊泰

陽里人 字時雍張喬 李銳字進之一字宗冉郭下里人宏治年間貢授嶧縣

里人未仕 授學徒欲因歲凶解業流離銳令富徒饘之或自携糗米食焉後皆

成業厥既丞嶧首出捕盜獲六人時祁暑日行五六十里比至牙上

下俱渴暈銳命取水與盜共齎齎訖盜不俟訊咸輸其情曹縣人殺

其人夫婦挑踵刺目剝鼻殲乳也五檢官俱不伏君至謂曰此夫婦

者固惡人汝當其手刃此也志除一邑害何其勇哉今而不首又何

其弱耶且汝一人殺二人快汝心以成名死亦何憾其賊即獻其凶

器而書狀嶧里有逆子其母狀里正逆子懼里正之達君也布里正

里正並其布達君君至其里呼逆子及其弟與其里居語以母子之

情以布授其弟令衣母逆子諸人皆羅泣曰今之時若犯他官破家

蕩產已明公且以布還誨如慈母死不敢為逆嘗部諸邑夫修河潰

夫裹足不至者解囊錢假之至既還又以假他夫之餓者一夫痢且

死養諸虛圃問所思食日思雞脯取廚雞與之夫自是蹉銳且起諸

夫之父母妻子千人直夜追送擁不能行君在嶧纔八 來錦字向綱

月巡撫大獎吏部考上等人謂銳才不勝德豈然乎

人宏治閒貢授福建連城縣主簿錦賦性質實無偽其好善勤學出於天性在庠序中見一人有長愛慕不已雖千年有推讓不

知有我當考貢時其陪貢者文劣錦輒讓之考出於真心主考知其誠也喜從誇美之他日錦選主考者已進位冢宰矣乃改

銓錦於連城蓋至仕迪廉履義無所求取自以為內不負己學外不負官箴矣然以他事牽掛而歸豈非其屈哉既去連城人

為之立祠楊鳳東吳里吳和字時新郭下正德閒十四人裴尙文字宗周

人任四川馬蕭昂字廷頤毘沙里人魏琪字君瑞郭下里人陳華字

湖府教授善撰著有驗未仕中號點齋郭下里人涇野子舊窓友也正德戊寅以太學生授四川

同提舉履政即殫心離務追完通課四萬七千大甯電丁數輩密饋隨以二舟以求緩期君叱怒不受益加嚴切雲陽商人白鳳以

百金追送至新甯且曰此鳳知耳答曰爾不聞楊震之四知乎於是巡撫盛公有守身謹慎鹽法疏通職優有司之舉服闋授四川行都

司都事至則厲精所事罔愆於素時鹽井土官讎戰方興有周兵備者廉君勤能樸實給銀千有五百委之講和君善其辭說多方曉譬

於是鹽井土官伏首聽命宿讎盡釋未幾遭疾不起爰舍蠻醜亦多泣送蓋君為學生時提學王先生優重德行孫世祿字永爵郭下王

之士眾舉推為公直第一宜其仕如此也趙文學字希賢奉政里人宏治閒貢任

緒字繼之安信里人初任平西寺師事周先生又同入學事瀘州半山高先生為人恭宋鰲字大

懋謙慎在斷事時深為蔡都憲所倚任但或忽於明哲耳

義里人宏治閒貢藩府教授先生者之從曾孫也初任山西永和知縣後任四川酆都知縣鰲父先逝事其母日飲食必在寒煖之節簞席衾枕皆手鋪置兄弟索居多競產業鰲獨取其薄劣日性所欲也戚黨有犯罪輸米者請鰲謁日吾甯代輸義不可往及至永和僻在山峽地多谿澗沙磧賦更繁重乃力請上官汰其賦役歲減金二百有五十於是逃者還業倍增其戶邑有雙山素爲盜巢至是亦皆屏息於是永和人日苟子之不欲雖賞之不竊果然哉嘉靖庚寅改知酆都路當衝衢且邇諸彝鰲莅以忠信公清遂得其心縣有強寇上官檄彝兵勦捕至則盜寢上官已其軍餉彝卒怒欲攻君當是時爲宣撫者婦人也語其下日宋公素稱長者有恩信今日斷餉非其本心遂解去冉希友之家入樂鬪傷人命仇家誣希友君庶得其情釋希友希友潛五十金行謝輒揮去之有婦人夜殺其夫投廁中乃誣其先室子曰汝以我年少恐有所出析汝業乃殺爾父耶鰲鞠之曰父子天性必不至此此豈汝惡其夫之老殺之以圖再嫁乎其婦驚以爲神縣有修仁井異時生鹽有課後不生鹽而徵課如故鰲移書上官得罷其課在官恒以廉潔自持因親友有勸其爲家者則叱之曰鰲貧士致位縣侯子又學生豈可不知足哉故酆人頌之曰吾縣君其公如酆都神其清如酆都水有參政按縣密索賂誘以注上考語鰲曰鰲果勝任自有公道苟不勝任雖得美考其如此心何居數月以疾歸既抵家遂不起據此則鰲於教授公之道其亦有所攢成者

李朝用字廷臣昆沙里人任蕭雄字孟武昆沙里人初任石馬

有字天錫慶豐里人劉萬鍾字大爵孝義文復禮字宗顏上石里人

任河南桐柏知縣

興縣教諭起服歷城教諭劉環字德閏郭下里人例貢嘉靖閒十人王鼐字宗器郭下里人任廣宗縣訓導

桑子達字兼善奉正里人未仕高士華字子實郭下里人任雙流縣訓導劉增字益之東吳權里人未仕

世用字仲行奉正里人未仕吳山字仲石郭下里人選貢李克家字子肖毘沙里人選貢劉守德字克

新郭下里墨達字時顯郭下里人任四川安岳訓導張霄字伯需張喬里人未仕劉思字希睿郭下里人守

臣之子劉琢字德修郭下里人例貢楊宗禮字汝約慶豐里人例貢劉珮字秉德毘沙里人例貢劉

理字秉直毘沙里人例貢

恩蔭墨準字仲平縣郭下里人榮毅公麟之子也為學宮弟子員永

樂二十二年上不忘榮毅公之績遣官行取補太常寺典簿遷刑部

主事陞宗人府經理有敕命敕曰宗人府所以典屬籍而情叙親親者也為之長貳必選宗室之賢者至於

治其文書以贊相之亦非得人不以輕授爾宗人府經歷司經歷墨準始由蔭補擢典太常遷屬秋官復更今職咸克勤慎以舉其官茲

特授爾階奉政大夫錫之敕命以示褒榮爾尚飭躬勵行必敬必誠以稱朕委任之意其往懋哉敕曰幾與已齊人倫之正也肆朝廷

推恩其夫必有及之爾人馬氏乃宗人府經歷司經歷墨準之妻克勤婦道以相其夫嘗受封矣夫再晉秩封爾為宜人服此榮恩

益崇而慎 敕曰太常掌禮樂之用而重祠祭之儀卿佐之選固難
而典領簿書以協贊其事者亦必得人庶稱厥任爾文林郎行在太
常寺典簿墨準以父勞擢居是職茲特錫敕命以爲爾榮夫祭祀之
禮朕所以交神明者也豈容毫髮之不敬哉況擢爾於名臣之子宜
寅恭嚴肅不懈夙夜庶幾無忝於國家爾惟欽哉 敕曰朕惟人臣
克效勞於國者雖本於父母蓋亦有伉儷內助之力也故推恩之典
必有之爾文林郎行在太常寺典簿墨準妻馬氏克勤婦道以相其
夫能致盡心於所職茲特封爾爲孺人服此榮恩永光閨闈欽哉

呂昀

字幼開涇野子之子嘉靖十
六年以縣學生入廕太學生

高陽縣志卷之六
六

呂涇野先生高陵縣志卷之七

邸宅陵墓第十二

漢降駕原邸在縣西南崇皇寺等地舊傳卽文帝誕生處薄后被呂后妬出居於代州時薄后方娠至崇皇寺地文帝誕生今稱降駕原云或云文帝自代來次高陵毘沙鎮處四日故相傳鎮中東嶽廟卽帝誕宅也廟會在八月十五日卽帝誕辰故異於諸東嶽廟會也又曰唐元宗兩幸崇皇寺云通志后妃傳高祖崩諸御幸姬呂后皆幽之不得出宮而薄姬以希見故得出從子之代然皆無考

景帝陽陵見祠廟

唐龍躍宮唐高祖之舊宅也在接蜀門西十四里李觀武德中以奉義宮改建焉似本高祖未發而言夫高祖其先本成紀人後魏時大王父熙爲金門鎮將戍於武川因家焉祖虎伐魏有功封唐國公父

昞襲其爵生高祖於長安則龍躍宮者或昞別宅抑或高祖之離宮
乎故武德七年十二月丁卯高祖如龍躍宮戊辰獵於高陵大獲禽
獸時諫議大夫蘇世長從行上曰今日樂乎世長曰不滿十旬未足
爲樂上變色旣而笑曰狂態復發耶對曰於臣則狂於陛下甚忠八
年十月壬午復如龍躍宮德宗改爲修真觀中有神堯真容及御井
靈柏梁開平中廢但龍泉寺在其旁或亦因是而名也故今其地稱
李觀云今所存者乃臥龍寺焉予嘗有題神堯高祖六龍飛潛即於斯
改是誰先
己□□□

漢張耳墓在縣西十餘里李趙村

李廣墓在縣西南良村原上迤東俗稱李將軍墓漢書所謂賜廣塚
地於陽陵者也

如淳宅未詳所在蓋平帝時賜其宅於高陵者也有碑頌存未完

君諱

淳字孺生昔有先德媛班周室武王伐紂身充八百位登九五封始
并於葵邱後遷於茹割土口口卽以地名因爲姓焉族變三更世寵
弗渝下逮戰國茹耳相魏築邑曲沃口口其封口耳之子達預鑒機
運知數鍾鼎飛駢負經剖心投報照主感雖利見封爲義侯創歸滅
秦食地臨淄迄於王莽中祖茹普夙履華門解褐十歲遇政安漢口
物友接及謀大舉常存誠盡諫而莫感忠死致慊外超乘神器顧採
無忘授口口大夫洪威難巨闕命祇台葵逼就京賜宅高陵光武中
興朝清明口信彰宇宙口流順帝祖根馮資賴以優榮桓帝櫟峨蒙
爲漢詔德識經密眷姻窮骨躍躬皇特拔殊度啓蒞并牧後遷梁州
帝加其姊中水公主誕生父俊再臨并州珠輪口駕錦服傳御君籍
先蔭情傲榮塗稟性叡哲少好博學通敏五經精練羣籍懷寬猛之
才抱緯世之策每覽莊生犧牛之誠思踐四皓栖巖之跡遁志邱園
羣儒遵道聲遐布響謚天宇靈帝聞之蒲輪辟召若大舜之舉皋陶
周文之得尙父授散騎侍郎逼爲秘書制漢音義百有十二冊拜陳
郡相敷宏禮政民庶澤液殊口土之值邵公洛陽之遇姬旦化被累
稔能言戴德但兵亂將興皇道叵夷解職辭祿匿躬畎畝暨魏納劉
禪特徵口任時邁耳順惟辭免承受加光祿大夫送柩而還上天匪
弔慧齡軼替春秋七十有五夢於家堂都喪聞爲痛惜四野咸懷良
明口口臣口悲戀如此也讚功口口則銘德刻石建碑樹行墓衝
其辭曰巍哉乾口覆載理平物受差品故有愚明我君稟懿仁而哲
口德侔伊姜頤智口形問播皇室辟召儒生起潛應命臣口口成遇
以朝寵委以秘經口口立立大道難尋粗瞻似易細察實深非賢不
鑽非聖不命君惟
湛明行藏從心口

高陵縣志卷之七
趙真女墓在接蜀門西南十里李趙村真女漢義郎蔡邕妻也然邕
陳畱圉人而真女墓在此者順帝時邕被司徒劉郃將作大匠陽球
中常侍程璜之讒將棄市以呂強救詔減死一等與家屬髡鉗徙朔
方居五原安陽縣明年大赦邕將還慢五原太守王智智中常侍王
甫弟也乃告邕怨於囚放謗訕朝廷邕自是亡命江海豈其貽真女
於此死葬之耶

姚萇原陵在縣西北十里積灰爲之方幾一里俗稱灰堆坡本號原
陵其父弋仲晉永嘉七年封高陵郡公死葬天水冀縣萇旣僭位號
父爲始祖墓猶曰高陵置原邑五百家其子興墓則在縣東五里大
紀村前曰偶陵或曰原陵亦在是

唐于志寧宅在縣西七里七流村

王秋官尙書河閒公墓在鹿苑原上有碑殘剝不知名監生孫世祿

云姓王氏

金南京轉運司度支判官楊天德墓在其祠南三里奉正原上魯齋

許衡撰墓誌

誌曰公諱天德字君美其先耀之美原人徙同官至高祖儀徙高陵世業農曾祖諱植始爲縣吏父諱禮以大

定庚子歲十二月庚子生公於北郭公之父雅好儒而仲兄茂實克家厚資公使游學公亦勤能副所望既肆業太學登興定二年進士第釋褐補博州聊城丞未及赴辟陝西行臺掾尋權大理寺丞繼擬主長安簿未幾改主慶陽安化簿尋辟德順之隆德令再辟安化令補尚書都掾遷轉運司度支判官京城不守流寓東魯開十年而歸長安公自讀書入仕至於晚歲風節矯矯始終不少變其爲隆德也被圍於德順冒圍請授以死期於復命及復立縣治撫養瘡痍誅鋤強梗民賴以安慶陽之圍也復任安化主帥以公忠勤使兼錄事并鎮撫軍又牒令判府事晝夜不遑處盡智畢力拒守踰年居民餓死殆盡卒口逮收至圍解召公還京師公嘆曰旣不能救民之死又暴其骸而去之吾不忍也擾攘中竟畱月餘悉收葬之其忠主愛民若此亂去後士夫或不能自守而公於勢利藐然如浮雲晚讀大學解沿及伊洛諸書大嗜愛之常語人曰吾少時精力奪於課試殊不省有此今而後知吾道之傳爲有在也埋沒篆刻中幾不復見天日目昏不能視書猶使其子誦誦而朝夕聽之以是自樂及有疾親友往問之談笑歌詠不衰曰吾晚年幸聞道死無恨矣以戊午歲八月四日卒於家春秋七十有九公娶寇氏早亡一女適三原郭孝廉再娶太常少卿京兆孫通祥之女一子曰恭懿孫男曰寅孫女二人皆幼

以是年十二月十日葬於高陵閭國鄉奉正原之先塋公子孝廉篤實克紹先志平居事公已著信於朋友而居喪哀毀至五日不食寢苦枕塊居廬啜粥又能行古道其治喪一從公之遺命用司馬氏朱氏考訂古禮民迷固久而公獨得以禮葬有子如此公爲不朽矣河內許衡敬叙其事而爲之誌且系銘曰出也有爲死生以之處也有守不變於時日臨桑榆學喜有得其知益精其行益力吾道之公異端之私瞭然胷中洞悉毫釐外私內公息邪拒諛俯仰古今可以無愧受全於天復歸其全尙固幽藏無窮歲年

元領太史事楊恭懿墓在其父天德墓旁大學士姚燧撰神道碑記

嗚呼有秦君子楊公諱恭懿字元甫其先始鄉耀之同官中避宋亂徙美原五世祖儀徙今京兆之高陵與高祖亨再世力田曾祖植祖禮再世仕縣吏考天德擢金興定進士第由博之聊城丞掾陝西行臺權大理寺丞主京兆長安慶陽安化簿辟令順德之隆德及安化而安化兼銀事州之判官三職具修積官中大夫其德其政有先師司徒許文正公墓誌公初仕章宗南郊爲太常臣授幣而立御史將劾不敬其友曰夫夫習於禮者名行祕書蓋從而問對曰授立不坐御史慚縮而止太常則公孫通詳實公王父公以至大乙酉生於其居京兆之友桂坊童而讀書記識強敏日數千言時難從中大夫逃亂而東不恒其居於汴於歸德於天平雖難關險阻未嘗怠馳其業年七十侍中大夫西歸無田於郊假室以居鄉鄰或繼其匱皆謝不取惟服勞以爲養暇則力學綜博於書無不經目而究心者握衣之徒戶外滿履橫經入問爲析疑義源源其辭若決江河而下之名聲日起海外縉紳友大中者馳書交譽知之庸者求觀其文侈其肆者

以爲鱣堂之席有繼與其極者直期以宗盟斯道於將來時已遽易
禮春秋思有纂述恥爲章句儒而止至於用世反覆史學以監觀興
廢存亡理亂得失於千數百年之中日輔治之具禮樂兵刑非王者
果不可興行於天下兵恃以芟暴亂而安元元刑取其弼教循本以
求皆仁義之資也不講之有素或一旦帥三軍爲士師貿貿焉不知
其方反受教武人俗吏乎事雖未試從可槩見其佐王之畧年二十
四始得朱子集註章句四經太極圖小學近思錄諸書誦其言而推
其意嘆曰人倫日用之常天道性命之妙皆萃此書今入德有其門
矣吾何獨不可窮理以致其知反躬以踐其實動靜云爲一乎持敬
行之以剛健居之以悠久日就月將俟其成功於潛齋之下自任益
重矣歲甲寅司徒奉潛藩教來秦公一見傾蓋歸而心服曰世烏有
斯人之倫敬事猶師而司徒友之亦至分庭而行抗席而坐一遇講
貫動窮終日而所造益深平居詡於爲言喪中大夫絕口水漿五日
喪葬爲具不足稱貸益之棺槨皆黃賜衣衾必縛疏衰簋粥悲憂爲
疾杖始能興司徒會葬歸語學者曰小子志之曠世墜典夫夫特立
而獨行之其功可當肇修人紀聚居六年司徒東歸喪妣夫人猶中
大夫其疾益跼三輔士夫知由禮制自致其親者皆本之公先是宣
撫司行檄欲以掌書紀其義事錄之皆不能屈至元七年詔司徒曰
國子祭酒拜中書左丞始與右丞相安童共政日舉公賢丞相以聞
十年上遣協律郎申敬來召疾不能行十一年儲皇下教中書如漢
惠聘四皓者使聘以來故丞相遣郎中張元智書致是命其冬下車
京師上遣丞相弟今國王和童勞其遠來他日入見上問何鄉先德
爲誰從何師學子今有幾無不周悉其夕嘔血上遣尙醫來候且賜
之藥少閒明年月正元日翼日上御香殿以大師南伐日久欲筮之

時日者待詔公車百十爲輩獨以命公蓋以道德素著可交神明者其言頗祕侍講徒單公履請設取士之科詔先師文獻公司徒竇文正公與公雜議公奏取上崇實行檢經學奏曰三代以德行六藝賓興賢能漢舉孝廉策經術魏晉尙文辭而經術猶未之遺隨煬始專賦詩以試之使自投牒貢舉之法遂熄雖有明經止於記誦宋太宗始試經義亦令典矣哲宗賦詩遼金循習將救斯弊時有明詔嘗曰士不治經學孔孟之道日爲賦詩空文豈可以立萬世治安之本今欲取士宜敕有司舉有行檢通經術之士使無投牒自薦試以五經四書大小義論時務策畧能從事實學則士風還淳民俗趨厚國家得識治之體矣奏入上善之丞相每咨世務倚以自毗會且北征公方以畢男婚而歸十三年詔改歷太史王恂總算同知郭推測司徒明歷理或言公嘗推歷終一甲子而得日食月食者七十有奇曰日月之青自古無是之多也十六年詔公著歷義方奏太史臣皆列跪獨起公及司徒衡起立日二老自安是年少皆受學汝者故終奏皆坐畢其說亦異數也語詳星厯纂授集賢館學士大中大夫兼太史令越明年以徙家得請歸又明年儲皇碑靈臺郎岳鉉召公手書議相承旨李濤儲皇不可以公爲識治再詔又明年相儲皇以爲太子賓客二十二年詔明年以昭文館大學士正議大夫領太史院事召二十九年以耆舊議事中書省皆辭疾不行三十一年疾極親賓問之忽長息曰有是哉國衰也聞者危之亂以他言徐又曰誠哉後三日顧言予寅日敬慎小心以卒實正月二十五日也後嗣位詔下知賓天果以其日人以爲平生與國至誠所格嗚呼使哭者有如溫公則公當以如呂誨起言天下事矣徵士蕭欒誌其墓曰朱文公集周程夫子之大成其學盛於江左北方之士聞而知者固有其人

求能究聖賢精微之蘊篤志於學真知實踐主乎敬義表裏一致以躬行心得之餘私淑諸人繼前修而開後學粹然一出乎正者惟司徒及公嗚呼誠知德不易之言哉後十年寅以江南行臺監察御史疾得告去自金陵過宣以燧少受知公而耳其雅言求銘墳道然所貴乎君子三焉耳位耳道耳德耳得於心之謂德用於時之謂位行其學之謂道如齟之言同其德矣以年考之司徒之生前公十有六其入見前十有四其卒也前十有三而卒官皆昭文館學士領太史院事同其位矣然是位也皆極人臣之亞爲古人命位實行道之資謂不得君知名而召既至則溫其玉音以勞疾則尙醫交候饋藥太官繼膳疑政賜問入見坐語聞辭則畱畱而不可暫聽其去去而思之復召司徒十召公八召其禮貌亦至矣如是而兩公迭爲循牆不可謂道之行亦天也然四海匪獨士子凡筐篋之吏求售於時其誦而習亦先四書蓋天理同根人心誦其言者眾則爲其道者將多非兩公肇是太平之基其誰歟斯有潛齋遺稿高祖妣齊氏曾祖妣紀氏妣寇氏孫氏夫人李氏以柔嘉作配君子嫻里德焉三子寅其胃也寅令京兆蒲城宏方學女子四人適主京兆長安簿席貽士子馮嘉鳳翔提控案牘王繼述樞密院掾傅昱孫男禧女子子二人長適呂會次幼銘曰惟天生賢匪使自有俾極斯民爲責已厚公於明實肩實負乾乾其行良民其守師古葬祭如禮不苟三綱之倫我滌白手推得其類無倦誨誘學者宗之西土山斗鳶飛魚躍潛齋自鄙令聞之延已徹宸黠束帛棗棗賁及林藪丹宸曰來何暮汝叟大師之南倅斷已久其宜進退汝著以叩又曰多士文字儷偶求得碩才奚策以取又曰歷義羣喙紛糾汝折衷之其從誰某凡是大政無不可否公拜稽首瀝膽悉剖丹衷曰噫惟茲儲后端本萬邦汝賓以友

儲后曰令識治黃耆惟汝可爲股肱元首公益抗章臣早衰朽養安
踰純僅止中壽歸從先藏奉政之阜止阡有碑無我樵藪垂詩千齡
以告
爾后

贈華州知州雷貴墓在毘沙鎮塢南元直學士京兆同恕撰碣碣曰昔名

門右族有耀於前克昌厥後未有不有其先仁積義累以造其基吾
於雷君見之君以至元十六年己亥卒是年七月壬申葬高陵毘沙
鎮塢原以子禧贈奉議大夫華州知州飛騎尉高陵縣男母杜氏贈
高陵君至順庚午子禧持狀謁余求表其墓余謂君傑德偉行已具
潛齋楊文康公志可以慰安泉下光昭永久豈容復措其辭固謝而
請益力謹撫其實而次第之君諱貴雷其姓也出自古諸侯方雷氏
蓋以國爲姓後單姓雷君之先世爲耀州同官縣雷平川人曾而上
譜逸沒究祖遠徙家高陵毘沙鎮考定皆晦跡不仕妣楊氏生君金
真祐甲戌七月庚寅幼卓異不羣長力於善行壬辰兵起父母失於
逃難君不避鋒鏑誓死以求未幾得父於鄧母氏殆無聞焉歲時悲
痛不已後二十餘年訪得於終南女道中兩親違養之日服喪過哀
喪禮一遵古制張氏姑一子而寡亦失於兵閒既知母子在邠備金
自往贖養以終與夫合葬焉子璠教育成長均已子分其業初庚子
歲高陵縣以君才賢舉監稅官丙辰宣撫司辟爲其縣丞甲子初改
至元受行中書省檄陞爲主簿兼三原涇陽櫟陽三縣高陵民十餘
戶駭於豪家君力究理復隸民籍四年敕授主簿朝邑十一年改洛
川十四年以疾辭始終治縣餘二十年猛不殘義寬不宥姦獄平訟
簡官民兩益家居二年而卒先娶傅氏再娶杜氏內助之賢備在儒

學提舉孫近齋撰志子男六人祐鎮江民匠大使傳出也祥監稅使
禧奉訓大夫知耀州裕奉訓大夫判興元路榷尉臨潼杜出也祥次
居五側室郭出也孫男十九人從仕者半又皆象賢孫女二十二
人初傅氏父母之二喪杜氏父母家凡三世合十餘喪兵後其殯沒於
榛莽皆爲塋地葬之里中喪不能葬者亦資其具凡人急難必爲救
恤故老至今猶稱道之嗚呼君生平之德如此之實皆自吾仁義中
出信可以培植基本垂祐後人矣或者惜君之位不顯於時是蓋不
然富貴豈必其在躬觀夫子承孫繼桂玉滿前聯芳並秀融融洩洩
四氣之和集備一門登名仕版然人生則有孝養之榮沒則有褒贈
之美茲固不可以爲顯乎傳曰不在其身在其子孫奉訓有之系以
銘銘曰人皆可以爲堯舜此語諒豈欺凡庸嗚呼奉訓眞英雄崢嶸
善積邱山崇玉石俱焚際艱凶父兮母兮失相從乃知至孝天可通
慈闈具慶還春風恩洽義浹親疏中人之疾痛如我躬治邑有政廉
以公蘇息疲瘵鋤姦凶用雖未究才德豐子孫競爽聯芳蹤翩翩制
羽凌霜空報施神理何隆隆聖恩洪濡徹立宮英靈有鑒欣其逢松
柏鬱然馬鬣封塢原高對嵯峨峩峩峩峩峩峩峩峩峩峩峩峩峩峩
窮

集賢學士亞中大夫國子祭酒楊寅墓在其父太史令墓前國史院

編修趙晉撰神道碑

碑曰泰定四年春三月一日集賢學士亞中大

夫國子祭酒楊公卒長安之故居正寢壽七十
有三至正甲辰其子仔手行實謁余而言曰先人奄棄諸孤三踰星
紀墓隧之石迄今無辭以刻子幸哀我而銘之嗚呼晉生也後未及

拜集賢杖屨然仰其名德久矣忍敢以不文辭謹按公諱寅字敬伯世爲高陵縣人高祖植曾祖禮具仕縣吏祖天德登金興定進士第南京都轉運司度支判官積官中大夫皇元贈中奉大夫刑部尙書宏農郡侯諡壯敏祖妣孫氏宏農郡夫人考恭懿昭文館大學士正議大夫領太史院事贈榮祿大夫太子少保宏農郡公諡文康妣李氏封宏農郡夫人公穎悟異常自知讀書一覽輒成誦比長盡通六經百氏之學性至孝友兼善理生未嘗以匱乏少遺親憂侍昭文應酬賓客賢否皆欽器之至元乙酉陝西行省辟充掾史不樂謝去選除承事郎蓋屋縣尹撫民以仁嚴憚羣下未浹旬朔積年宿弊剖祛無遺藩憲交薦丁外艱哀毀骨立服闋由韓城縣尹擢陝西行臺監察御史其所建言於朝修德用賢以及明制審律農政屯田敬天憲祖興學求言公賞罰振綱紀徵隱逸抑僥倖皆裨治切時之語未幾臺罷行臺御史復申前議詳藝文畧入拜監察御史上陳江淮河壩之田豪強占耕者眾宜按視徵租可足國用而舒民力大德丙午出僉陝西漢中道肅政廉訪司秩承務郎糾憲長凶恣撓法卒正其罪亦自劾求退弗許至大辛亥改僉河東山西道以母老歸養皇慶癸丑起任陝西行臺都事僉事山東西道尋丁內艱痛疾一如喪父終制遷奉議大夫陝西漢中道廉訪司副使凡出巡兩道伸枉黜濫風紀振揚至治癸亥使憲西蜀四川道進階朝請大夫務崇大體不事煩苛邊服爲之肅甯以年七十致仕泰定乙丑朝廷軫念老成用賢謀畫遂有集賢胄監之命其在成均講明誨誘終日忘倦凡經指授者俱登顯用明春奉祠嶽瀆還疾作顧言其子曰守身力學無墜先業遂逝初配王氏繼扈氏封宏農郡夫人以至正丁未合附高陵奉正原先塋之穆子四人僖從仕郎伏羌縣尹偉仇仔女四人適呂克

孝察院書吏王子益宋師善陝西行省宣使路恭道孫男四復益需
觀孫女四悉配名族仔當孤苦流離之際既力襄葬又思揚乃考遺
善託諸不朽其賢矣哉銘曰皇天生才俾資治理豪傑振興尤敦世
美猗與集賢機警疇比文恥浮誇學窮源委綵服趨庭歡承甘旨從
親入京聲華日侈兩職牧民厯別憲使善良輯夷奸邪殄弭抗章慝
誠懇懇弗已挺然風稜詎因勢靡令業克承光復其始中奉有孫昭
文有子懸車途閑優游田里上曰耆碩爲我強起嘉謀諮詢廟堂傾
企樂育俊髦冠裳儼儼代祀方殷遽興哀誄從祖歸藏沒而甯止崇
邱言言清渭瀾瀾顯
詩配鐫用垂遐祉

明鄭州知州馬煥墓在奉政原有敕命教諭古邾田圭撰誌子馴墓

在其側爲主事時有敕命

敕曰人孰不顯揚其親故子之賢而能宜
力效職者朝廷必推恩以報之所以遂其

顯親之心而勸天下之爲孝者也爾禮部儀制清吏司主事馬馴故
父馬煥善裕於躬慶延於後致有子效用於朝推厥本源宜有褒顯
今特贈爾爲承德郎禮部儀制清吏司主事靈爽不昧尙克承之
敕曰朕惟人子之才雖本於父而資於母德亦深矣故國家推恩臣
下存則有褒榮之命沒亦有追贈之典焉爾張氏乃禮部儀制清吏
司主事馬馴之母夙有德善著於閨門是生令子效勞於國揆厥所
自宜有顯褒茲特贈爾爲安人靈其歆承永賁幽壤洪熙元年 敕
曰禮部古宗伯之任其屬有四皆置郎以長之而協贊其事者亦必
得人乃克有濟爾承德郎禮部儀制清吏司主事馬馴擢自胄監薦
更任使爲春官屬式宜厥職茲特錫之敕命以示褒榮夫朝廷寵待

臣工以酬勞其益懋修以俟旌擢欽哉 敕曰朕惟人臣匪躬以奉
國者雖本於父母蓋亦有伉儷內助之力也故推恩之典必及之爾
禮部儀制清吏司主事馬馴繼室魏氏克盡婦道以相其夫故能盡
心於所職朕用嘉之茲特對爾爲安人服此榮恩永光閨闈欽哉
誌曰公諱煥字有章姓馬氏其先扶風郡伏波將軍馬援之苗裔也
始祖嘗居太原因元兵荒高祖杲來高陵渭陽因家焉杲生五子公
之曾祖乃第四子也而生祖瑞瑞生二子長曰敏夫次曰遜夫敏夫
生三子長孟遠次有章又次有鄰公娶張氏本縣張從道之女也洪
武辛亥涇陽令辟爲儒學教諭陞監察御史伸冤理枉尋陞知鄭州
授奉訓大夫牧民有方御眾以仁至今州人尙思慕之春秋五十有
一以疾終於官時洪武十三年三月初一日也夫人生一男二女長
適墨麟任監察御史近陞兵部侍郎次適劉章任觀城知縣男娶吳
氏魏氏當公卒之時馴年有七歲母夫人煢然無所依親操井臼使
馴力耕以自給後邑里有推馴爲吏者母竊憂之俾充邑庠弟子躬
紡績以資其學業二十六年秋應鄉貢進士春除大同府經歷始獲
迎母以就祿養後遷吏部司務尋陞北京刑部吏曹主事馴公恕忠
清勤謹和緩永樂十一年三月十八日魏亦善終於任馴哀毀踰禮
奉柩歸明年合葬於奉政原祖塋銘曰苗裔昌大流澤延長屆於始
祖起家太行高曾創業訖父始昌首拜御史繼而循良勲業烜赫政
聲琅琅天不假年雲掩輝光母儀婦道教子有方子賢能繼奉葬故
鄉吉日來耐渭水之陽
泣涕勒銘永視勿忘

王大使家墓在縣東南奉政原上前翰林檢討王九思今籍鄠縣者

之先塋也

按王氏族譜云王氏先河南人來仕高陵遂家不去卒葬今處有諱元亨者或即始來與其子孫皆不可考諱繼祖

繼容繼先者兄弟三人亦不詳其所自出元末兵起繼容繼先東行出關繼祖與其二子克誠克信挈家西走辟居鄠縣終南山中至繼祖仍歸葬高陵宏治中縣尹朱璜嘗爲築垣每歲清明王氏四人來祭埽焉

贈少保前兵部侍郎墨麟墓在邑南原上有諱祭文並誥命其子宗

人府經歷準並其孫隰州知州春墓在其旁

維洪熙元年歲次乙巳四月庚午朔二十六日

乙丑皇帝遣行人劉萃致祭於故兵部右侍郎墨麟曰嗚呼古之人有言人惟求舊爾昔從朕於居守艱虞之際竭心奮力可謂勞矣今朕統承天位追維疇昔而爾九原不作豈勝感愴之懷茲特贈爾爲少保諡曰榮毅賜以誥命遣人致祭以著朕念舊之誠汝尚有靈服斯諭祭 誥曰朕恭承天序統御華夷眷念舊勞咸俾致進永懷冥漠宜有均恩咨故兵部右侍郎墨麟明於憲章嚴於操執昔先皇帝奉天靖難之時爾實從予城守歷時既久克效於勤雖升貳於夏官曾無幾而物故九原已遠一念未忘茲特贈爾爲榮祿大夫少保賜諡榮毅於戲厚終如始以示好賢不已之誠稽行易名以著沒世不忘之美庶其幽爽服此明恩 誥曰國家於臣之能勞於君事者雖沒亦褒贈之耳推恩其親及其家室此令典也矧又有子列官於朝爲朕任使者乎宜加恩數及其所生以示獎勵爾馬氏故兵部右侍郎贈少保墨麟之妻太常寺典簿準之母以勤儉相夫以德義教子宜錫恩典俾與夫階茲特封爾爲太夫人何其欽承益介壽祉春有

誌陝西提學副使伍福撰未錄

南京驍騎衛經歷陞和州同知王佐并其父王仲賢墓在邑南原上

有敕命

敕曰國家兵衛之設所以分理軍政長貳皆以勲臣處之至於協贊於幕者亦必得人乃克有濟爾驍騎右衛經歷司經

歷王佐贊畫戎幕益有年矣考績能稱特賜敕命授徵仕郎以示褒嘉服此隆恩懋修不懈尙有顯爵以觀爾成欽哉 敕曰夫婦人之

大倫故朝廷推恩羣臣命必及之驍騎右衛經歷王佐妻閻氏克相其夫茲特封爲孺人祇服榮恩永光閨閫 敕曰國家推恩臣下必

及其親者所以重本而勸孝也而何聞於存沒哉驍騎右衛經歷司經歷王佐故父仲賢慶鍾厥子而祿養不逮揆其所自宜有顯褒今

特贈爲徵仕郎驍騎右衛經歷司經歷靈其不昧尙克承之 敕曰朕惟羣臣之才者固本於父亦必資母德焉從有褒榮沒有追贈此

有國之通制也驍騎右衛經歷王佐之母高氏有子能官而不逮養沂惟所自宜錫褒榮特贈爲孺人靈其承之永賁幽壤

敕封戶部浙江司主事劉平墓在邑西門外昌連渠南有敕命戶部

尙書前翰林院學士長安楊昇撰墓表其子知府傑墓在其前有敕

命翰林院修撰古邵康海撰誌

敕曰人臣能盡夫事君之忠朝廷必遂其顯親之孝此忠孝一致而上下

所以相須也爾劉平乃戶部浙江清吏司主事傑之父義方訓子克舉其官宜寵錫榮以示褒顯茲特封爲承德郎戶部浙江清吏司主

事爾其祇承無忝嘉命 敕曰國家褒寵任事之臣而必榮及其親者所以勸忠於孝也爾鄭氏乃戶部浙江清吏司主事劉傑之母婦道母儀夙著閨闈有子登庸皆爾慈訓所致茲特封爲安人服此光華永綏祿養 表曰天順五年四月十九日陝西高陵劉君仲衡以疾卒於家享年五十有四其子傑戶部主事聞訃守制將歸營葬事遂於翰林學士錢公原博志君壙復持所狀君之行實价鄉人郎中閻鐸閣本詣余拜請表厥墓余與傑邑相比而傑舉進士余又濫司考較今又居僚屬不得辭按劉系本出豐沛其後子孫散漫於天下累因兵燹譜失其傳故君家高陵曾大父孝叔大父允德俱隱居父振母雷氏咸以懿德淑行聞鄉人君諱平仲衡其字也早失怙賴母氏鞠育成人天性孝友爲人沉默淡泊敦厚周慎直諒不阿謹約節儉又能涉獵經書凡人倫綱常之大節無一不洞曉其義故於慎終追遠長長幼幼睦宗族樂賓友各不失其條理由是承先業而弗墜訓子弟於有成他如剖人之訟周人之急免人之償其行之可書者非一傑初登進士因公道便還家君勉之曰士之仕在行其義而已勿以之媒富貴既授主事以年勞得以授敕封君如其官母爲安人復因公道便還家君又勉之曰臣之事君在內外始終一致甚勿以晚節自懈其疾革召妻子曰吾爲人雖不敢以君子自許事不爲流俗所染壽雖未至期頤亦不爲夭殤但念爾輩能不廢吾家法而傑能不墮其初志吾無所遺憾矣語終沒其配鄭即安人四子長傑也自幼爲校官弟子以至中鄉舉登進士居今官循蹈規矩無一事之縱放者次俊次侃次儒傑爲邑學生亦時有科目之望孫女四俱幼擇以天順五年十一月初六日葬奉天鄉北山之塋嗚呼古人云有道行者皆傳其實於後世以示勸於將來若劉公修身齊家之道其

庶幾乎故宜表之於墓上云 附永平知府劉公諱傑墓表表曰樂菴先生姓劉氏諱傑字世英別號樂菴高陵郭下里人也父封君平配安人鄭氏承其祖允德考振之業且有懿行爰生先生及其弟俊侃儒先生賦質宏偉素履剛方孝親友弟如出性成既肄儒業攻苦甘貧夙夜匪懈迺領景泰癸酉鄉薦登甲戌孫賢榜進士觀政戶部管發犒賞雲南軍需時黔國公沐方總鎮滇南禮遇驥送浮於他使先生一無所取沐滋敬重將佐咸悚莫敢私干還授戶部浙江司主事未幾封君平卒既終制復入戶部見各省督學半用舉人歲貢流弊多端先生上疏歷陳其非且請簡用科道部屬有學行者出爲憲臣以理學政上嘉其論奏遂定爲例至今遵行不改他日貴州草塘寇猖王師于征庭論以先生素有威望遣督軍餉六師所至鳥道崎嶇糧糗隨給人服其能至擬諸木牛流馬之才雲及草塘寇既平班師論功迺遷地官郎中蓋殊擢也嘗陪祀南郊大學士邱文莊公見其衣冠嚴肅語同列曰此陝右人豪也方三月卽有湖州之命大學士永新劉公定之語韓太僕乃曰世英嘗公輔自期今守鉅郡足展其驥足矣然實湖民之福也語詳祖送詩序中荏湖三月先禮義之教革譎誕之習省歲弊之費汰織造之侈滌誣辨冤政清刑省而迺抑宦寺之招權隆隱士之干旄是時吉水楊君韜有事於湖與士大夫慶曰劉侯公廉仁愛如此但恐陞任不遠湖民失望爾末幾乃爲權要傷左遷眞定府同知尋以鄭安人憂去服闋再任平陽府同知尋復陞永平知府伸富民之冤執巡校之橫又爲勢要中傷解官去永平民流涕送之道經洪洞有段君讓者舊知高陵先生契友也見其悠悠自得迎謂之曰人皆常因權要顯子獨以屢忤權要而見黜豈非天平先生毅然曰予歷仕越晉燕趙之間幾三十年心未嘗沮

今豈因去官而熱中耶歸家靜坐讀書恒至夜分不易寒暑至老未
倦通易書春秋卒以易顯作爲字書各體咸臻其妙樂庵之號所由
顯也其所著樂庵稿存於家先生不可侈大性不喜飲少飲輒醉謂
其子蘭曰酒以作禮好則散德汝諸弟少其善戒之在仕途苦嗜積
書有奇書輒以物購之永平之去大中丞楊公力辨其冤言自傑莅
任興利除害扶弱鋤強民愛戴若父母今以無根之誣罷其官深爲
可惜雖未施行而先生之名不朽矣且還我劉公之謠雖一時哀慕
之辭而千萬世存而不死者此也宣德丁未十二月乙卯生宏治士
戊七月辛巳以疾卒於家春秋七十有六初配魏氏無出繼王氏
克執婦道亦先公歿再繼王氏駿有令德子六人長時蘭舉人

敕贈戶部主事高恕墓在縣東三里有敕命碑其子選墓在其前有

敕命涇野子撰誌

敕曰國家隆使臣之禮錄教子之功爵賞旣加其

爾高恕乃戶部雲南清吏司主事選之父詩禮傳家邱園養素義方
教子已收效於甲科郎署登庸乃遺哀於風木眷惟潛德宜賁褒章
茲特贈爲承德郎戶部雲南清吏司主事靈爽如存尙其歆服敕曰
子之於母孝愛益極其深君之於臣禮意必從其厚故養有不逮而
恩無弗加在理則然於情允當爾商氏乃戶部雲南清吏司主事高
選之母敬教無違賢明有則篤成令子早掇巍科顧郎曹之嘉績旣
成而鼎釜之榮養弗逮宜申恩命以示追崇茲特贈爲安人尙期靈
爽之昭益迓寵光之賁 敕曰地曹總邦計之權民生是賴主事佐
郎官之政職務攸同故必簡清通之才斯可責富庶之效爾戶部雲
南清吏司主事高選登名甲榜擢屬地曹在公精出納之方處已勵

操修之節賢勞既積嘉譽用彰官評不俟乎陟明國典預加平褒寵
茲特進爾階承德郎錫之敕命於戲庶官之職務在寅恭八政之疇
必先食貨尙靖共於爾位以勉副於朕懷欽哉 敕曰臣有事君之
功妻有從夫之義故錄賢勞於國必推寵命於家此今昔之所同豈
存歿而有異戶部雲南清吏司主事高選妻邱氏出自名門壻於良
士閭儀祇肅德性柔嘉方資內助之勤遽違賢勞之願爰因夫貴昭
示國恩茲特贈爲安人庶靈爽之有知服休光於無斁 敕曰妻必
有繼式隆饋祀之儀恩貴平均肆及褒崇之命茲惟典禮實體恒情
戶部雲南清吏司主事高選繼室任氏夙遵姆訓繼配儒流雖未躬
荆布之勞亦克效蘋蘩之職爰因天秩用錫褒章茲特封爲安人服
此嘉名益敦祇慎 誌曰初商安人夢日隕於懷生公在牀幼輒聰
敏抱志崇遠嘗役火夫被叱自奮曰彼役吾者匪人耶乃從師貸書
誦讀弗輟提學伍公簡升邑庠有先達者指公語贈君曰止此子能
成耶公颺言曰選三年當踰汝矣他日贈君出賈囑公曰我歸汝必
廩贈君歸果廩年十八也既舉陝西同舉有詢其榜末者公曰有進
士科在明年公舉進士公於書一覽輒識弗忘余嘗侍坐談及往事
不遺隻字友人楊鳳死不克葬公歸之棺槨金布乃舉焉公之初仕
給賞甘肅四十萬金餘金千有五百公悉封還戶部收鈔崇文門在
公三月積弊聿革比歸搜篋而發監收大倉同事宦官蔡邕頗肆權
勢公潛改邕奸邕使人語曰凡事相忤不虞後患乎公應之曰若依
汝遇百个斫頭罪矣邕錯愕失色不復改訾督理宣府糧儲益殫厥
志納戶百金止耗一兩立獲通關諸省之民謳歌載路比莅兩淮持
躬滋勵商賈畏懷都憲重公公雖病漸臥綰印綬同知鈞州令行闔
郡鈞人馬公劉公故太宰也其子族亦執禮孫公不敢驕恣於鄉在

吉數月流離歸版達吉之日男女焚香哭送爭奉肩輿在臨清解舒里甲費出規措驛遞戶頭久罷馬頭孳牧弗償斟酌損益勞瘵用興去郡弗久俾如硯山嘗讀循吏代不數人公厯三郡不讓前哲矣居常訓告諸子必述貧賤時服食令諸子無事侈汰病革曰今日過昔遠甚田地足供衣食子孫可事耕讀吾願足矣且芳臭有干載榮枯無百年天命在茲瞑目何憾公可謂死且不亂者矣

鴻臚寺序班無錫縣丞劉節墓在上石里有敕命

敕曰鴻臚寺掌朝廷之禮儀卿佐朕

自擇之至於屬職亦必得人乃克有濟爾鴻臚寺序班劉節發身胄監擢任今官厯歲既深勤慎弗懈宜錫恩寵以旌爾勞是用進爾階登仕佐郎錫之敕命以爲爾榮爾其明習朝章相導有儀以稱任使欽哉

誥贈南京禮部右侍郎呂公諱鑑墓在邑東北隅有誥命翰林院檢

討郭杜王九思撰墓碑

誥曰朕觀帝王之世求士於巖穴旌賢於築釣凡以興道善俗焉耳矧予近臣之先其人

雖往其善足徵而可使其弗彰耶爾呂鑑乃南京禮部右侍郎相之祖父和易有守質直無華衣冠不詭於凡民行己實符於往哲敬人以禮侮慢者致其恭待物有容褊刻者服其量且又明農圃之務導詩禮之源修德懷刑既老彌篤朕方求若人以範俗乃今立慶典以推恩是用贈爲通議大夫南京禮部右侍郎爰藉寵光用彰潛懿庶我近臣之祖永流身後之芳 誥曰國家善善之義長凡官至三品則封及二代然而與此典者什不一二可謂難矣爾魏氏乃南京禮部右侍郎呂相之祖母夙全懿行克相良人致有賢孫佐掌邦禮雖

世數浸久而慶澤固存茲特贈爲淑人茂昭三品之恩用慰九泉之魄尙惟祇受以裕後昆 誥曰繼祖母媿德於祖而於父有訓育之恩是故孫階顯仕而封贈及焉爾劉氏乃南京禮部右侍郎呂相之繼祖母貞靖柔嘉孝慈勤儉二世之後乃毓賢孫積慶所鍾遠有端緒茲特贈爲淑人昭世德也精爽匪遐尙期祇受 碑曰公諱鑑字爲氏其在高陵厯籍漢唐文獻遐邇弗能徵諸迨及有宋有諱世昌者慷慨激烈超躍弗羣蓋嘗弔季代之委靡慕雲長之英烈模鑄金刀象其平生置之祠廟而識名其徽至今觀者罔不歎息擬諸國士之風焉由斯以降有諱彬卿者生子三人其長曰大次曰十又次曰珪通經發跡作邑於淇大之行八人乃特稱而涇樸慙直聞言不信洪武之初十司學庾乃以虧餉發戍於北平永樂之初大亦累繇於齊東其諸裔畱者縣縣延延彌久而昌與高陵敵矣生有三子其長曰興體幹魁梧腹如抱鼓言論便便不離中公嘗爲郭下里老人接詞善聽或以不爭返梁民之遺金葬親之朝乃值祁暑獲其沃水之報藉以弗死興生二子其長曰貴弱齡補戍綽有勇畧督役伐木棟梁京觀尋役靖虜被知元戎乃佐金湯之績濬甘源之利興帷薄之俗破穿窬之穴貴配鄭氏實生公及其二叔清鍾暨側室子文鍾乃績學爲祁縣丞蓋呂氏之興代有懿德延及公世日益隆茂惟公體貌魁岸鬚髯疎秀粹出天秉聰哲內韞夫其器量淵邃物至有容而服誼之節剛亦不吐蓋嘗訟割稅之誣以折宗人之強遠侮慢之跡以召恭敬之心仁勇具備直而不餒至於息李氏墮嬰之禍遷曾祖母崇邱之葬誼所宜舉不以貧沮忠謀之施具出腎腸可謂惠洽鄰比恩覃枯骸者矣而又欽詩書之族崇耄耄之禮明農圃之務嚴涇

渭之流修德懷刑老且彌篤於時冠帶之徒杖履之老申同德之嘉
盟嚮山林之高蹈者彬彬焉雍雍焉土垣茅茨之下獲覩夫康衢擊
壤之遺風也爾乃撝謙抱冲朝夕惴惴若涉淵冰罔敢或易培深履
遐高年八十有四以宏治戊午閏十一月十四日考終正寢配夫人
魏氏繼配劉氏咸以貞淑柔嘉孝慈勞勩克相於公蓋雖孟女之禮
伯鸞歸婦之賓卻缺無以過之魏夫人生有二子其長諱溥率履秉
誼世德作求其次曰博博生三子其長曰相德醅學粹對揚皇猷天
子休之擢進士第一授翰林院修撰進講經筵乃又覃恩錫類貽封
所天光於邦國聞於四海其次曰梓又次曰相增廣生員勵節篤行
願學顏子不幸早卒博生二子其長曰楊秦王典膳其次曰櫝相生
子田騶虞之仁少則成性亦增廣生員辭曰煌煌厥呂肇自有周裔
於高陵實繁且悠烈士顯名有赫劍矛翕而勿散貽厥孫謀四世九
人名德嗣興或躋膺仕或戎或耕世澤之覃於公是凝於休維公令
德彌純生枯拯殍戢侮廣仁丕承厥祖祐啓後人元子戔戔乃有冢
孫歸根徂源維公之教朱紱方來
晰乎有曜爰茲勒銘萬禩是告

均州知州郝滋墓在合村有敕命舉人劉時蘭撰誌

敕曰國家隆使
臣之禮錄教子

之功爵賞既加其身褒封必及其父義實通於今古制不異於存亡
爾郝銘乃河南開封府中牟縣知縣滋之父晦跡韜光讀書履善義
方之美已收效於鄉科祿養之榮乃遺哀於邑宰眷惟潛德宜賁褒
章茲特贈爲文林郎河南開封府中牟縣知縣靈爽如存尙其歆服
敕曰母德之成義實兼於教育國恩之錫禮特重於褒封肆緣報
德之情誕示追崇之命爾朱氏乃河南開封府中牟縣知縣郝滋之

母生有懿質嬪於名門善相良人播賢聲於宗郇篤成令子著嘉績
於侯封顧風木之感既深而綸綍之褒宜厚茲特贈爲孺人尙期神
爽之昭益迓寵靈之賁 敕曰郡縣親民之政非按部莫能詳朝廷
錫命之榮在司封爲甚重故法有定制而恩有特施克沾旌異之名
必在褒嘉之列爾河南開封府中牟縣知縣郝滋名登鄉榜官領品
符愛民存愷悌之心持己勵清勤之節賢勞懋著薦剡交騰宜有渥
恩以示褒勸茲特進爾階文林郎錫之敕命於戲治民莫先於獲上
己微名績之良善始尤貴乎保終庶竭猷爲之益訓詞具在尙克祇
承哉 敕曰人臣有勞於國朝廷必寵其家肆惟伉儷之良亦被褒
封之命典章具在存歿攸同河南開封府中牟縣知縣郝滋妻劉氏
出自名門嬪於良士閭儀祇肅德性幽嫺方資內助之勤遽違偕老
之願爰徵往懿用示褒恩茲特贈爲孺人庶靈爽之有知服休光於
無斃 誌曰公諱滋字洪濟其先安肅人八世祖天挺仕元進授冀
國公天挺生溫兵部侍郎溫生經翰林學士諡文忠公經生采麟肅
致廉訪使采麟生濟郎公會大父自孟州徙高陵大父達國朝擢武
鄉教諭父銘以公貴贈文林郎母朱氏爲孺人累世積慶而公生焉
公性穎異孝友自幼失恃讀書輒通大義稍長入邑庠勤學不倦成
化辛卯以禮經領陝西鄉薦游太學友天下士焚膏繼晷凡三年丁
外艱哀毀踰禮事繼母劉氏孝蹟著聞宏治癸丑授中牟令晉大夫
趙氏邑密邇藩臬民尙奔競素稱難治公下車守廉奉公不避權勢
抑強扶弱興利除害不踰年境內大治有水患歲常淹沒民田公築
衛民堤一十八里植柳衛堤退出閒田千頃民甚得利農隙令民採
新陶甃鳩工聚財修建公館九十餘閒分毫不取於民廨舍煥然一
新明年秋螟螣蝥賊害禾殆盡公祭於漢魯公祠次日陡風一陣四

蟲皆抱禾而殞落地盈尺誠與魯恭三異爲不異也邑之致政劉懷
上公政蹟三十事當道極口稱讚若都憲徐公恪劉公大夏陳公道
巡按潘公楷劉公偉楊公倫皆以廉能舉薦於朝遣官旌獎羊酒采
段至再至三民之愛戴親如父母且衛民有記殞蝗有碑士有詠童
有謠足傳不朽不見所謂奔競難治者公之政也其他學校之興風
俗之移盜賊之息不可勝記又能樂施周急若訓導李端驛丞陳清
卒於清貧妻家又出人之所難九年秩滿以公位不滿德擢湖廣均
州太守牟民又起不福之嘆越一年偉望方隆而公不諱時宏治癸
亥六月三日享年六十有五距生正統己未正月七日配劉氏駿有
令德贈孺人生於正統戊午正月二十六日卒於宏治戊申十二月
十二日享年五十有一繼娶王氏
內助尤多不爽懿範子男一紹先

行人孫先生諱昂墓在慶豐里坳下村戶部郎中高選撰誌

誌曰廷舉姓孫

氏諱昂廷舉其字也世籍西安高陵慶豐里人曾大父諱六大父諱
亮世業農不仕父諱祿歷仕巡檢母高氏生廷舉應宏治戊午鄉舉
中壬戌康海榜進士試事福建道越二年甲子授行人歷三月餘卒
於官實宏治十八年正月三十日也歸於家其子汝弼將以今年正
德丁卯三月二十七日卜葬於祖塋西北廷舉門人呂仲木乃爲狀
請予銘予與廷舉同學且在交契中而仲木又懇以請遂不能辭按
狀廷舉生異羣兒自幼有大志父携之任有恃其官而侮之者廷舉
正色曰此豈可以誇人哉吾他日不爲是也時年纔十二三矣比入
邑庠莊重詳雅言動不苟師友咸珍重之成化甲辰乙巳歲大凶歉
廷舉曰此時若不通變以爲衣食之計親將不免於饑餓矣卽投其

學業而西詣階岷移粟於家以供親養是以雖當人相食之年而親得溫飽無恙鄉人咸以孝稱自是復於學舍志力益堅隆冬以羊裘被取麥草藉之足下苦於誦習常至夜分或至達旦同號舍者不拘時分皆取燈於廷舉焉又以親老在家不能侍養爲歎慕則自學至家晨則自家至學日常徒步二十餘里故定省學業兩不曠廢人皆以爲難宏治壬子遂庵楊先生督學關中鄭重文行之士廷舉爲吾庠首選者屢之旣而果登鄉舉應試禮闈不第依親於家辛酉歲與其友人同榜劉廷馥肄業太學其一僕以給炊爨尋登進士移居興隆寺廷延馥同處仍借此僕之力其淡泊艱辛如太學然士論賢之廷舉素不喜作詩一日思親不置慈烏適反哺嗷嗷鳴於僧舍榜樹乃爲不如慈烏詩以悲定省之曠旣拜行人忠信以處寮案廉整以自操持日常誦書讀法不輟退爲一書遺其子汝弼名曰教子鄙言自奉先事祖以及務農修行凡十數款其言切實俱有法度初在邑庠時從遊者甚眾教人惟以敦本尙實修德謹行爲事故一時及門之士多有所成就其舉於鄉以俟會試者則周克述紹與仲木也嗚呼廷舉以勤苦自勵而不伎求他人之有以強毅漸漬爲學而不鹵莽於一日二日之得與夫當其事而能處之詳審以密務乎內而不事表暴於外者茲固諸生以爲不易學至其卽時論事蓋將有志於天下國家豈意厯官未久而遽疾不起使其進不能以大有爲而其才卒於不究此豈不謂之天哉廷舉生成化丁亥距卒之年三十九歲娶李氏克閑婦道子男四長汝弼娶田氏次汝直聘錦衣衛力士邑人段林女次汝鄰與汝直讀書然稱聰悟足承廷舉之志次在襁褓幼名永世女二長名窠字生員周官次名椒字張聘是宜有銘銘曰嗚呼廷舉天胡大其進而不使得遂其所止天胡奪之速而不

使得究其所以外則有徒內則有子天其或者將顯延舉於此耶

垣曲縣丞周先生諱尙禮墓在邑城北戶部郎中高選撰誌其子知

縣紹墓在其側呂涇野子撰表

誌曰小學之教不行久矣吾邑周先生自幼端謹莊重以歲貢爲國子生

家居授徒殆百餘人皆邑之秀俊先生之爲教也取古之孝弟忠信勤學修身以及嫺睦友鄉才能政治者日講一條督令躬行其他洒埽應對出入起居俱有法度諸門人不敢違也故一時及門之士多漸漬以成其上者雖孔門可入矣中鄉舉者二人并其子紹爲三人充邑庠廩膳生可望甲科者十人登戊辰進士第一名者一人皆自先生之啓迪造就然也小學之教吾邑如先生者不可謂之能行耶先生諱尙禮字節之世籍高陵父勛以國子生爲太原縣丞先生從父之任時太原君率太原之民兵戍雁門太原民以太原君之去太原也相率避難趨府城居之先生獨與二三從者居太原待太原君不懼也時先生年尙弱孺而穎拔不羣如此後爲垣曲丞廉謹自持能愛百姓謝政歸家囊無餘貲民至泣下送之由此觀之則先生之所以教人者豈爲無本而爾耶祖德成不仕自曾以上兵燹之餘不可考矣生正統元年二月十七日卒正德三年四月十五日高年七十三配劉氏貞惠勤儉克相以道繼室孫氏其相先生亦如劉子男四經綸繼紹皆劉出紹有遠志尋當大成先生爲不歿矣女三亦劉出孫男五邵邠豐董生也進綸嗣也郊高出也孫女八筮正德三年十一月二十六日合葬於縣治之北從先兆也銘曰猗嗟哲人厥初童孺養正弗端終其淪敗聖人垂言惟茲爲要先生舉之波及牧民

誰謂先生官卑名眇表曰此吾友江陵君周君之墓也君諱紹字克述號渭川高陵治化里人也曾祖諱德成未仕祖諱勛以太學生仕爲山西太原縣丞父諱尙禮字節之號養浩軒亦以太學生仕爲山西垣曲縣丞垣曲善教人枏爲童子時受學焉獲聞洒埽應對之節其歿也枏嘗爲之狀曰小學之教不行久矣至先生而後能復之配劉氏是生江陵者也早遵庭訓篤志經史每爲文字出奇古語行輩率推先焉遂舉宏治甲子鄉試乃益肆志於學孝事二人繼母孫氏性好自取君事之克當其意其弟於兄經綸繼遜讓周至見友朋爲善者力勸其成宏治中縣士子無治春秋禮記者雖其書冊亦不具經時吏武功君早夜走武功得春秋二三冊友人有程吉氏者始治春秋縣於是是有春秋焉東吳來氏自孟津回收禮記又之來氏得禮記有牛生者初治禮記縣於是是有禮記焉比銓天官乃受戎縣令戎縣漢民三而夷人七先是官於是者率不用廉以自待故戎劫奪殺戮無甯歲也君莅政後奉身薄惡壹心民病減汰征求而又教之禮義課其誦讀戎人遠邇大小無不敬慕畏服夷多羅姓至其生子皆以周名如曰從周歸周學周云戎縣西南阿霞阿昧二鄉之田率被長遠縣民侵占累勘不明至動干戈者十年也君處分得當夷漢咸安於是上官薦其清謹勤慎持正公平招徠蠻戎有方夷民咸悅云事聞於朝遂調任湖廣江陵縣是時江水方漲害及三縣一州君乃創築長堤至七八百丈人獲安居又議懇數千頃荒地以業窮民其水灘田地糧草盡爲被害之民申請除豁若乃辨趙永甯人命之誣其心明允真可通乎鬼神於是巡撫張公稱其持心謹懇處事安詳倉庫既實衙門清肅而荆南道亦獎其處人之所難處秉實心有定守云惟以不善事太守致有訕謗解位而歸江陵人如失父母焉

君至家閉門教授清貧自樂垂歿之年歲以奔走南北不常厥家光祿卿谿田馬公亦嘗友君乃呼其子從於三原飲食教誨至且有立又爲之謀治石槨以葬則君之爲人可知矣

通州衛經歷趙諒墓在良村有敕命

敕曰人臣有勞於國朝廷必寵其親此今昔之所同豈存歿而

有異爾趙榮乃通州衛經歷司經歷諒之父邱園養素詩書傳家篤誠教子之功宜示追襲之寵茲特贈爲徵仕郎通州衛經歷司經歷靈爽有知庶其歆服
敕曰子之於母孝愛蓋極其深君之於臣禮義必從其厚故養有不逮而恩無弗加爾藺氏乃通州衛經歷司經歷趙諒之母相夫勤儉教子嚴明子既能官祿不逮養宜加恩典以示追崇茲特贈爲孺人渙命是承幽局永耀
敕曰國家設軍衛以安生民雖專武職置幕官以理庶務則用文階寓意甚深用人宜慎爾通州衛經歷司經歷趙諒發身胄監列職幕僚歷歲寢深課功惟最宜加恩典以獎勤勞茲特進爾階徵仕郎錫之敕命於戲官不計崇卑必求其稱事不論難易務底於成益勉進修以俟甄擢欽哉
敕曰夫婦之際風化所先君臣之間恩禮攸在凡爲伉儷必與裒封通州衛經歷司經歷趙諒妻陳氏相夫有道治內無違夫既顯庸爾宜偕貴茲特封爲孺人服此嘉名益勤內助

南京國子監典籍李先生諱崇光墓在西吳里許村有敕命前翰林

院修撰康海撰墓表

敕曰國家於成均之屬置典籍之官其事若簡而任則專其秩若輕而責亦重畱都所在厥職

攸同爾南京國子監典籍李崇光起家儒業列職賢關謹載籍之儲
式勤綜理守成箴之戒克懋操修屬茲慶典之行宜示褒嘉之寵是
特進爾階登仕佐郎錫之敕命於戲居官以盡職爲良保譽以永終
爲善尙加密慎以保陟明欽哉表曰君諱崇光字宗顯其先故臨
潼人元季徙居高陵因世家高陵西吳里高祖文秀生十三十三生
剛剛生芳芳娶劉氏生君兄弟五人君少被擢爲縣學諸生習朱氏
詩正德庚午以太學生授南京國子監典籍三年病瘧與痢卒於官
時甲戌九月二十九日年纔五十六也配魏氏生男二人長純次穀
讀書欲爲士女子四人長爲翰林院修撰吾友呂仲木妻已封爲安
人次受聘孫氏歿又次嫁商尙質又次嫁三原學生鄧世泰孫女子
二人明年乙亥八月六日將葬君西吳先塋之次純持狀請表諸墓
石余曩與呂君遊呂君數數稱君孝弟能讓余以爲美德後聞其營
置家事井然有條理若稍見材度矣然當富厚充裕之地又能躬儉
不奢宜其久視遠官廼止如此銘曰嗟嗟李君厥德孔懋孝友共和
靡有弗厚肇遊太學其氣已豪富而克儉古聖所褒迨及典籍冊書
之紀惟勤勿斁是云諧只三歲宦成我績旣優其陟方來病乃弗瘳
金陵高陵其道孔艱魂來雖遙靈怡且安
仲秋吉日永莅元室刻石告哀我心用惻

封翰林修撰贈南京禮部右侍郎渭陽呂公溥墓在祖墓隅有誥命

前翰林修撰康海撰墓表右有弟詔賜壽官諱博墓光祿卿馬理題

蓋枏爲誌

誥曰朕以禮典告成覃恩宇內凡通籍於朝者咸得以追
賁其所生矧予舊學之臣乎爾封儒林郎翰林院修撰呂

溥乃南京尙寶司卿楊之爰躬備純德名聞鄉邦訓子克成爲國俊
彥生沾褒典歿被卹恩天之祐善不爽乃若是哉茲特贈爾爲奉政
大夫南京尙寶司卿用侈爾有子之榮亦昭我得賢之美九泉弗昧
尙克歆承 誥曰母之賢於子徵之故緣子貴母國有令典存歿一
也爾贈安人宋氏乃南京尙寶司卿呂柟之母生有淑資克循內則
慶鍾嗣子慈訓有徵載錫寵章慰爾泉下養雖弗逮名則永昭茲特
贈爲宜人靈爽有知服茲殊渥 誥曰古稱繼母如母蓋以其配德
於父恩宜均焉爾封安人侯氏乃南京尙寶司卿呂柟之繼母敬以
相夫慈能成子爰頒新命增耀前封茲特封爲太宜人旣壽而昌永
綏祿養 誥曰夫生有美行則歿有易名此朝廷待大臣之禮而其
親不與焉乃若褒贈之典榮及九泉雖羣臣亦得以行於親而易名
固在其中矣是知贈典所係亦重矣哉爾贈奉政大夫南京尙寶司
卿呂溥乃南京禮部右侍郎相之父性秉端純行敦孝友平心率物
訟者望廬而還正己齊家族黨嚮風而化矧有令子爲國禮臣非徒
時論是歸亦乃朕心攸屬伊誰致此爾教則然茲特加贈爲通議大
夫南京禮部右侍郎庶幾贈秩之榮有同易名之寵爾靈如在式克
歆承 誥曰國家賴賢才以爲用而賢才之成率有內教焉蓋本源
之地所係尤切也爾贈宜人宋氏乃南京禮部右侍郎呂柟之母含
貞秉懿垂範厥家訓子有成名顯當世雖祿養未逮而淑問永傳茲
特加贈爲淑人章內教也九泉有知歆此殊渥 誥曰繼母於子有
教育之恩故國家錫類褒封一視其母蓋本其情而爲之節文也爾
封太宜人侯氏乃南京禮部右侍郎呂柟之繼母恪持內範允嗣前
徽協乃義方均愛厥子顧今顯貴惟乃之休茲特加封爲太淑人尙
克欽承益敦內教 表曰公諱溥字某世家高陵人始祖曰世昌又

幾世至彬卿生八八生興與生貴貴生鑑鑑娶魏氏生公及其弟博
公長子相者海友也海以相友則數之高陵因得數拜公親見其容
貌聞其言論觀其行事知公之宜有相也公以正德丙子五月丙申
卒於家七月戊子葬於縣北祖塋相以海爲公墓碑公鄉里恆人無
麗辭耀藻之要譽文學無豐財崇秩以驚炫流俗無奇節詭行以聳
動世習然海數言不置示天下以長者之道所以廣教布德懲勸浮
靡也海惟公樸實不華耕鑿飲食之外一無所爲海不敢誣之曰遁
世不仕也孝親友弟守身畏法處親戚鄰里無所欺負治生期於僅
足責人不爲己甚雖傳記所載典冊所訓何弗啻哉此公之大畧人
人易言之人人不能爲者故君子素其位而行不願乎其外若公者
於此道庶幾否耶公美髯鶴幹望之如神仙達識事體深計者莫能
會其意其指摘是非談述義理學者或鮮焉志稱其決魏某詐嚇李
州判之事豈非其事實哉墨劉之鬪墨嘗謀酖其老病償劉矣片言
之閒卻酖已鬪生墨氏少長蓋幾人也其後又解娠婦之死平劉李
之怨訟買田通稅者官不能稽諸版冊以公一言而決縣官定徭役
辟於里書方伯至亦信以去公言諸富平道中方伯卽歸以正之其
已壯哉公居常惡衣糲食休休自娛既受封貴顯猶著補綴履繩布
終其身無怨恫於人少日以大戶輸餉榆林同輸者爲掩昧得貲皆
笑公歸無完履乃同輸者發覺破產易子公獨安居園闢至今應輸
者必自戒飭曰慎不可不若呂公公閒居常謂相曰汝知仕之大木
矣乎無他惟在慎取與爾有餽者至曰無故而餽豈無所爲也輒令
返之寢疾經兩歲相晝夜侍不敢少怠或履聲稍震猶厲色以責曰
汝侍天子側亦當爾耶病且革呼相語曰汝受朝廷榮寵他日當竭
力報國無得自逸事宜咨稟汝叔而行公所以愛其弟者死猶未已

也曩聞高陵人言公壯時父命爲居室將與弟異乃擇大木爲弟室弟讓公公曰安知爲汝室也室成乃卒以與弟配宋氏潘府教授宋公之孫女也以身教子凡枕輦刺繡故實必曰此賢此孝講說大意亶亶不倦又恒誦其祖敬授公之遺行以詔棣故棣之所以爲天下之士者其父母之教有然也公生正統戊辰五月戊戌春秋六十有九安人與公同年生七月己巳卒宏治乙卯五月庚寅壽止四十又入正德癸酉春以棣封公爲儒林郎翰林院修撰贈宋爲安人而繼室侯氏亦加封安人焉子三人棣舉正德戊辰進士第一官翰林院修撰爲上經筵講官仲曰棣歿季曰栖縣學生孫子三人田乙酉舉人昀棣子畱棣子誌曰叔父諱博生而英敏強毅弱冠卽服賈四方諳練家人生產業作務本力穡恥事華靡上事吾祖贈公暨祖母魏淑人及繼祖母劉淑人咸得其歡心魏淑人每饗殮除米一勺恒買柏香夜焚以拜北斗人稱魏佛叔父恒爲子姪誦說不倦贈公或有過口吾父直諫無少回護叔父輒能婉諷贈公函皆與納受其事吾父恭遜讓謹不知有己當患難窮困之際必先力往不避吾父嘗患怔忡疾叔父皆應時區處以安其心成化甲辰乙巳閒歲大旱關中尤甚人率四出求食當是時叔祖呂三公方爲祁禱之叔乃畱吾父於家事贈公劉淑人乃身送母孀口口口口口口口口口口口口口口識字人曰恐壞爾性也蓋有見於士流之放蕩不檢者云爾叔父曰此兒慧可教也焉知其不能戒棣凡購書策筆劄皆於叔父取給至有今日多叔父之賜也其教愛楊檟周至亦可知己若乃還遺金而不私救饑寒而解衣推食辨釋人命之誣如王氏劉氏孫氏程氏數十輩皆其緒行也叔父配陳氏勤儉柔嘉實多內助乃先叔父而卒

遂繼配臨潼張氏焉叔父生景泰六年乙亥四月二十七日卒嘉靖十八年七月初三日享年八十有五

贈知縣劉勤墓在邑東北隅有敕命大學士任邱李公撰墓表

積善

在躬慶澤必垂於後效庸於國寵命必逮其親况茲令尹之賢宜茂顯揚之典爾劉勤乃直隸任邱縣知縣守臣之父隱德持身義方訓子口口口口望克舉今官用贈爾為文林郎直隸任邱縣知縣宜口口知服茲無斁敕曰朕惟子賢雖本於父而其母之功亦比隆焉宜並受乎幽章庶少酬乎罔極爾王氏乃直隸任邱縣知縣劉守臣之母既相其夫復成厥子顧祿養之弗逮宜光寵之攸加茲特贈為孺人尙克欽承永光泉口表曰隱君任邱縣知縣劉君克艱之口口口口口口口口嘉靖丁亥秋畿內巡按御史以克艱治有異政上旌於朝於是隱君得贈如克艱官歲壬辰克艱以臨清知州入覲京師事竣來謂余曰守臣不幸父母早逝墓無表識私竊痛焉予昔居憂於家與克艱處凡三歲又先母邊太淑人蒙贈葬克艱承命經理修築不擾於民事集而功就余心感焉迄今不忘誼其可辭按狀隱君諱勤字警常世居高陵大父諱榮父諱顯俱隱德弗耀顯生三子君為之長生而純質不喜華侈既長日事畎畝恥效市人逐什一之利又謙抑恭謹未嘗與人有爭性孝友事父母極其誠敬凡時有鮮物祭祀以時必敬必潔有所謂事死如事生者成化中弟連嘗賈漢中值歲饑人相食家人洵懼謂且不測君徒步入漢中訪得之相携以歸竟不死兄弟共舉至老居積饒裕君一無所私里閭稱友弟者必曰劉君云邑尹段讓勒名於石朱璜著銘旌善亭曰自能為善又能

化人於善人皆以爲稱情每延鄉飲俱辭弗就嘗衣新衣偕友人赴飲見其衣敝卽更衣以行鄉人有盜穀於田者傭人縛之君曰是非爲飢寒所迫乎命解其縛仍與穀四束曰若能改是吾終不以語人其人卒不爲盜其長厚類如此正德辛未十二月十九日卒生正統壬申八月二十二日春秋六十有六配王氏有淑行贈孺人舅姑既逝遺女妹幼且多病孺人撫愛如親妹爲擇所歸盛治匱具處妹姻戚無不意滿者族黨稱之年四十五歲先隱君卒宏治辛亥十月一日也子男二人長廷章次守臣舉鄉試授任卽縣知縣孫男一人思國子生於戲昔人謂不知其父視其子克艱尹吾邑恭慎詳敏惠而不濫嚴而不苟有循吏之風今在臨清又善有蹟是非得於家庭之教乎此可以占隱君矣後之欲知隱君者尙有徵於余言哉

河南布政司都事趙秉燹墓在縣西張市里有敕命

敕曰朕惟光祿之官國家所重

故旣置卿以領寺而又分署以備員亦得庶副茲任爾光祿寺良醞署監事趙秉燹發身胄監擢任今官莅事惟勤持身罔玷歷年旣久最考是著宜有渥恩以示褒勸茲特進爾階修職佐郎錫之敕命於戲官不計崇卑必求其稱事不論難易務底於成益勉進修以俟甄擢欽哉

高陵縣志卷之七終

呂涇野先生續傳

明楊九式撰

呂文簡公郭下里人昀之父也按吏部文選司郎中章邱李開先傳曰真醕道學在關中可繼張橫渠者涇野一人而已在我

朝可繼薛文清者亦涇野一人而已涇野姓呂諱相字大棟旣而改字仲木西安之高陵人也居涇水之陽四方學者共稱爲涇野先生系出呂望後宋有呂世昌者始家高陵祖彬卿葬日壙中有聲如雷卜者以爲當顯於六世彬卿生八八生興興生貴貴生鑑鑑生溥溥配宋氏生先生果符卜言先生資性穎悟始就傳於周尙禮習幼儀郎中高選見而奇之曰此子他日必成大器不但以科第先人提學東田馬中錫異其文收入縣學尙未總丱卽有志聖賢之學危坐朗誦矮屋中雖祁寒酷暑不踰門限年十四應試臨潼貧不能僦館投宿於新豐空舍內夜夢老人自驪山下謂曰爾其勵學後當大魁天

下明日試補廩生母宋卒哀毀骨立既祥受尙書於高教諭儔孫行人昂旣又遠從渭南薛思菴充然有得相繼督學者楊邃菴王虎谷屢試首多士拔入正學書院授以所學而聞見益博嘗夢程明道呂東萊親爲指授而義理愈精于時有熊李二參政聞其賢欲延爲塾師先生以禮無往教辭之乃遣其子就學於荒寺未幾聞父疾走還二公用驛馬追送弗受疾平移居於雲槐精舍從遊者日眾不但參政二子而已辛酉年甫二十三中鄉試前名刻其文明年下第卒業成均與三原馬伯循秦世觀榆次寇子慎安陽張仲修崔仲鳧林縣馬敬臣輟舉業而講理學久之德業進修踐履篤實蓋有悅而不已人不及知者時或與他友習古冠婚士相見禮 孝廟賓天眾在順天府哭臨惟具禮耳先生則涕淚交下通國異而譁之弗恤也孫行人歿爲之服衰拜送吊客戊辰會試以治書中第六名據卷當居第

一主考欲取一易卷本房力爭不可得主者以爲此劉養正也拆卷
乃邵端峯銳劉後佐甯藩謀反自縊死王陽明以文祭之曰母死不
葬爰及干戈一念之錯乃至如此君臣之義吾固不能宥子之身朋
友之義吾猶得以葬子之母特著其事以見世之取士者勿徒徇虛
譽而有玷科目云廷試讀卷官見其筆畫端楷策冒仁孝字正合題
旨遂以首卷進呈 武皇御覽嘉賞遂賜狀元及第湛甘泉爲同考
批其卷云卷雖佳惜力微不能首薦子然子固已魁天下矣自鄉試
至是僅八年已有成帙詩文集其春陰履霜等作不亞名詩而子畏
於匡傳甚高古雖王漢陂補周語李崆峒擬趙高答李斯書無以踰
也入爲翰林院修撰經筵試場史局其職也進講竭格心之誠考校
號得人之盛而編摩稱秉筆之公受祿祀先祝稱某之子某聞者羨
其知禮父母書至對使拜受退而跪讀其他親友有書受讀亦各有

儀聞期功喪必爲位哭奠凡饋遺非禮一毫不受逆瑾擅權竊政附麗之者驟遷顯秩先生雖同鄉獨不出其門且卻其賀禮瑾已不堪又因西夏構亂上疏請上入宮親政事則禍患潛消內外臣工可常保富貴瑾更惡其直欲殺之先生遂與何柏齋相繼引疾何亦骨鯁當時所不能容者遣官校尾其後俱不得其過至半途返先生抵家數月瑾誅刑及大冢宰遺累陝之縉紳幾盡人以是服其智杜門謝客力田養親若將終身焉父或因小失責次子梓先生跪而願同受責父怒乃解科道薦剡交上而王廷相尤剴切往拒宦寺已見卓識偉節年來學術淵閎操持嚴毅正宜召擢大用以答人心乃起供舊職勸上勤學謂文王緝熙敬止咸和萬民斯享靈囿之樂元順帝廢學縱慾太祖一舉而取之可爲深戒或曰元主云云傷於太直先生曰昔賈山借秦爲喻文帝尙能用之矧主上明聖遠過

漢文而吾獨不能爲賈山乎疏上蒙 嘉納以乾清宮災覃恩封其
父爲翰林修撰承德郎母及繼母侯氏配李氏生封歿贈俱爲安人
復應 詔陳言六事其遣去義子番僧及取廻鎮守太監尤爲人所
不敢言言雖中寢聞者憚之仍以仕非其時求退途遇秋旱禾稿白
諸當道薄其征王虎谷爲都御史願舉先生相代父病侍湯藥夜帶
不解晝履無聲及其卒也痛哭嘔血將合葬母氏失其一指先生籲
天號痛若不欲生尋復得之土壤忽大雨如注跣躄跣泥淖中道
路環視至有泣下者葬畢廬於中門外哭猶旦夕不輟自成服奠葬
遷柩題主以及卒哭三虞兼大小祥至於脫禫斟酌損益各有儀注
楊東江葬其父母及予葬母踵其遺意行之鎮守太監廖鎧賻以金
幣立卻之客有託交遊以三百金求書者先生峻拒之曰人心有如
青天白日奈何以禽獸相視也客慚而退都御史盛應期御史朱節

熊相曹珪薦其不當久在家居適今 聖天子入繼大統首召先生

遂幡然有用世之志次年壬午改元嘉靖與修 武廟實錄 上御

經筵先生輪當進講是日值 仁祖湣皇后忌辰口奏宜著慘淡之

服罷酒飯之賜朝議牴之疏勸尋溫聖學以爲新政之助其畧曰學

貴力行而知要帝王之學與韋布不同須克己慎獨上對天心親賢

遠讒下通民志太平之業可不難致大禮議興意見與時不合復以

十三事自陳議者謂爲大臣宰執之職不宜引爲己責因繫獄尋謫

解州判官會知州林元敘卒遂攝州事於是恤災獨減丁役勸農桑

築堤以護鹽池開渠以興水利載諸署解文移者可考也已又聚耆

民鄉長講明教民榜文行呂氏鄉約及文公家禮察孝弟節義者標

題其門求子夏後訓諸學宮建司馬溫公祠正首陽夷齊墓訂雲長

關公集奉迎其母孝養以爲百姓先鄰近及遠方學者日眾初御史

景爲闢解梁書院以居之擇民間俊秀子弟習小學之節歌幽南之
詩民俗士習翕然改觀庶幾乎有陶唐遺風矣居三年御史盧煥等
累薦稱其爲王佐之才迺出漢唐之上陞任南吏部考功司郎中士
民無慮千數哭送至於河干先生旣渡河猶聞哭聲琅琅乃口占一
絕云試聽黃河東岸哭爲官何必要封侯去後州人感德不忘爲之
立碑以紀其實塑像以慰其思未幾陞尙寶司卿政務簡省得以閉
門讀書兼設教驚峯之下吳楚閩越士從之者日有百餘人時張相
國應詔起用道經南都有醪禮爲賀者先生託以官卑俸薄拒之
通政王姓張之甥也轉北祭酒通國送之江上先生獨不往張啣之
欲乘機罷其官乃以疾在告不得遂其私考績北上至眞定得陞太
常少卿邸報還往時太常會飲皆役樂籍更有雜差先生悉與寬免
禁革道士俗粧每月朔望令演樂二次太廟災乞罷黜以答天戒

不允自庚寅至甲午在南都五六年五六年間豈不三四轉乎然而
皆散地也乙未始入而爲北祭酒監中教典士氣跡弛不振久矣遂
以道範師模嚴自表立敦禮教勤講習棄去一切煩文一二貴遊子
弟稍不率教者卽繩之以法而乞差爭撥之風頓息有以敷教在寬
而規先生者先生曰寬非縱肆之謂乃日刮月磨以要其成而不責
效於旦暮之間然曰敬敷則又不可不謂之嚴矣古稱師嚴而道尊
道尊而民敬意正在此今世人才漸不如古豈古今人真不相及哉
內則祭酒外則提學率多因循姑息而不知人才日流也先生立教
雖嚴然皆本躬行以率之正心修身爲本忠君孝親爲先每季試諸
生必刻其文之優者以示式有德行著稱者則揭之榜仍早撥其歷
以示勸病者問而鑒之死者賻而歸之閒取儀禮及爲詩樂圖譜分
日講解益禮以立之而樂以和之也禮讓之俗絃歌之聲洋洋於京

師首善之地矣又言之吏部謫一監丞而兩廳六堂諸屬罔不清慎者不但教及諸生雖厯事監生觀政進士向學中官亦從而質疑問難奏減厯日以通淹滯申飭監規五事請之上皆報可識者以爲自朱吳李章國祭酒外鮮見其比陞禮部右侍郎仍在於南自言眉淡不久近君其實心直不能隨世耳同諸公卿謁孝陵眾將著緋先生曰望墓生哀只宜青衣角帶皇太子生蒙恩階通議大夫父祖俱贈禮部侍郎魏劉二祖母生繼二母及其配俱封贈淑人廕次子昀爲國子生署吏部事薦文武士可備將相之選者數人寅長走簡斂祭張相乃以黨姦拒之且云一變而爲正人有何不可其亢直敢言有如此長又榜暴夏相之愆先生以爲聞之於朝可也私示路人其可乎亟勸收其榜及夏問霍事應以大臣當以容人爲量故夏疑先生黨霍霍亦疑先生黨夏後霍卒夏誅先生之心竟莫之白

上將躬視承天顯陵累疏勸止俱畱中未出捧表賀 萬壽節道

出河南見餓孺相枕籍語所在隨宜埋之朝賀禮畢尙未陞辭值天
變乞得致仕歸事侯淑人敬養備至不殊生母侯病頭風歉寒親製
艾祴乃安歲饑則以俸餘贖其族人事叔博如父姊適劉家貧常分
財濟之痛宋外祖無嗣每展墓垂涕不止從舅宋瑾流同州務尋訪
還其鄉侯卒哀毀亦不殊生母未及葬以壬寅六月左臂癰發坐臥
北泉精舍至七月一日卒山斗失韓而洙泗無曾矣生則成化己亥
四月二十一日享壽六十四卒則甲辰七月二十四日邑城艮隅卒
日有雷火日食之變及夕有大星隕於華陰見者嗟異之吾鄉哲人
其當之矣哲人孰有如先生者哉弔者以千計高陵人爲之罷市者
三日解梁及四方學者聞之皆設奠位持心喪計聞 上爲輟朝一
日賜祭命有司營壙事未得贈官加諡反出端峯邵太僕之下識者

不無憾於禮官云日後從祀孔廟雖不敢預必然提學謝少南郡等
李文昇已請之撫按祀之正學書院矣其致政而西也人皆望其復
起其厭世而歸也人皆惜其不能復生千人之知不勝數人之擠眾
口鑠金雖百身願贖何益哉先生頭顱圓闊體貌豐隆海口童顏輪
耳方面兩目炯炯有神鬚雖整秀惜不多耳配李氏典籍崇光女與
先生匹德咸休事詳三石齋世甯墓文中長子田由舉人任汝甯府
通判娶桑繼劉張次子昀厯任尋甸府知府娶王郭李孫男田出者
名師臯娶吳氏昀出者名師召聘張氏孫女三吳三錫生員墨謙王
希曾其婿也俱昀出先生雖官三品履仕途三十餘年座止圖書室
無媵妾家無長物平生不以私事干人亦不受人私干門人相守數
十年者未嘗見有偷語隋容乃家之孝子鄉之善人國之忠臣而天
下之先覺天民也自來以狀元及第不愧科名者未有王曾宋庠爲

名宰相馮京爲名執政而文山忠義尤烈我朝黃觀之死節羅倫之抗疏康海之豪邁其與先生皆彰著在人耳目者也有疑陽明之學者則曰講其學而行非勿信可也不講其學而行是信之可也有劾甘泉之學者則曰聖君在上賢臣在下豈可使明時有僞學之禁之風有問朱陸之學者則曰初時同法堯舜師孔孟雖入門路徑微有不同而究竟本原其致一也先生雖講學應文無虛日但非其人亦不願接九卿請李序菴祭文同僚浼蔡鹽商墓志俱不之許先生上可庶幾乎周之精程之正邵之大朱之著述不但橫渠近可兼乎吳康齋胡居仁之長抑又不但文清且古今經生史臣騷卿墨客才子術士詩伯文人豈少哉然或華而不實是而不真其圓靈雖足以洞性命之原而檢迪之功或畧於微隱其警辨雖足以聳來遊之慕而持循之業或蕩於高虛其流至於假借延緣而標本殊觀德教

爲二者容有之矣先生所著有四書因問周易說翼尙書說要毛詩
說序春秋說志禮問史約涇野文集詩集扈蹕錄史館獻納南省奏
稿內外篇宋四子抄釋詩樂圖譜小學釋高陵志解州志義勇武安
集寒暑經圖解魏氏族譜宋氏族譜暑解文移論解州畧足以闡經
翼聖紹往開來乃仁義之精華而孔顏之道脈也其教人也隨問而
答其用人也因材而授嘗云學先其所短用先其所長是以海內士
溫恭者得先生之讓方正者得先生之剛縝密者得先生之慎清介
者得先生之廉慈惠者得先生之仁堅毅者得先生之節誠篤者得
先生之忠警惕者得先生之勤而善文事不足言矣使其得職銓衡
掌絲綸其所設施詎止此哉世之不知先生者但以爲長於文而議
禮者猶以爲偏於古文譏之高麗使臣亦欲乞其文傳示外國且文
果笑從而生乎易曰黃裳元吉文在中也又言曰君子黃中通理正

位居體美在其中暢于四肢發于事業美之至也至美者既在其中至文者自達之外而孟子之論氣有曰以直養而無害則塞乎天地之間其稱大丈夫也亦曰富貴不能淫貧賤不能移威武不能屈趙岐釋之曰淫者亂其心也移者易其行也屈者挫其志也心也行與志也皆美之所在也能無所淫移及屈然後可以爲之直養而無害矣先生守堅力決心定神閒視順逆常變如一又鍾以關中風氣渾厚雄偉剛毅奮強而直氣將塞乎天地富貴焉得而淫之貧賤威武焉得而移且屈之乎予之繼妻其祖母呂氏乃先生近派流寓齊東舉族往來甚厚太守公爲都事時屢以書屬予欲刪定其集取其有關要者止畱數冊簡便可傳又欲作一文詳述先生事蹟集欲畧而事欲多顧其集三十六卷一時不能卒辦先爲之作一傳以副其意先生知予以王漢陂馬谿田康對山三公之薦在京師忘年與交別

後音問不絕其贈予中麓說及簡札集中乃不載何也其爲予牌扁
大書真得古法先生已有名公狀志似不待鄙人矣因竊據之亦惟
撮其關要重爲一傳文不佳而事可傳也服泉李方伯存日嘗趨其
成卽當各錄一通一寄太守公一焚服泉墓上云後隆慶元年追贈
禮部尙書諡文簡公

高陵縣志續傳終



